

ENOA LE RE KE MANG NA?

1 Lumelang hoseng hona, metsoalle. Ruri ke nka ona e le monyetla ho ba kerekeng ena mona. 'Me ke batla ke rata lebitso la eona le ho qala. E bioa "Lebitso La Jesu." Ke rata seo. 'Me ke—ke nahana leo—leo... Ke Lebitso leo ke lopolotsoeng ka lona, Lebitso le ratehang leo la Morena Jesu. Le ho kena mona le metsoalle ea ka e molemo, ho phutheha mona hoseng ho ratehang hona ha Sontaha, hantle mona Phoenix. Ha ke tsebe tulo efe eo nka ratang ho ba ho eona, ha e se Khanyeng le lōna bohle. 'Me ke ketsahalo e khōlō eo bohle re e shebeletseng tsatsi le leng.

2 'Me ke letsilitsoe mohala oa mokuli, ho nyolohela koano, kajeno. 'Me ke ne ke qoqa le Moena Outlaw, motsoalle oa ka ea theko e thata, 'me o—o 'memile ka mosa hakaale ho—ho nyoloha. 'Me bareri bohle mona Phoenix ba ile ba ntšoara hantle haholo.

3 Ka linako tse ling ke a ipotsa hobaneng ke falletse tlase Tucson. Ke se ke phetse mono lilemo tse tharō, 'me ha ke eso memeloe sefalenq sefe le ka mohla. Ka hona ke a kholoa ke se... ke loketse ho 'na—'na ho chakela holimō mona Tucson... kapa mona Phoenix, moo ke uthloang ke amohetsoe. Be, mohlomong ba tla ntloaela ka le leng... Le a tseba, ke rerile bosiu bo bong tlase mono, 'me ka rera lihora tse tharō; ha ho makatse ba sa mpitsa hape.

4 Empa e—e maikutlo a pelōng ea ka nqa ho Molimo le batho ba Oona a makakang. 'Me ke hlile ke lenama, 'me ke—ke a tšaba nka tloha ka siea ntho 'me ke sa kenyē ho lekaneng, eaba ke kōpanya melaetsa e merarō kapa e mene ho ba o le mong. Ka hona ruri... ho lōna batho ba neng ba theohetse mono, ke kōpa tšoarelo ho le tšoarella halelele hakaalo. Ke ne ke sa lōkela ho etsa joalo.

5 'Me ke boetse ke thabetse ho ba mona le Moena Carl Williams hoseng hona, le Jimmy e mocha mona, le k'hoaere, le motsoalle oa ka e leng baena ba ha Mosley; ho bona Brad, Moena John Sharrit, le metsoalle ea ka e mengata hakana; Moena Pat Tyler, mona, ho tsoa holimō koana Kentucky, le—le—le metsoalle e mengata hakana ho phutheha phuthehong ena—ena hoseng hona. Le a bona, ke bone metsoalle ea ka e mengata e tsoang Tucson le joalo, e lutse mona.

6 Ke nahanne tsatsi le leng mohla hona hohle ho felileng, re tla phutheha moo re tla... re ke ke... re—re ke ke ra tlameha ho khaotsa ho mamela 'mino o monate ona, le a bona. Ke sa tsoa bona mora oa Moena William, a lutse morao mane, o hlahisitse bopaki bosiu bo bong tlase Ramada Inn. 'Me ha ke nahana o batla a le bolelele ba maoto a tšeletseng. Empa ke a le bolella, ka morao ho bapaki boo, ke a kholoa o ne a le bolelele ba maoto a leshome.

O mpa feela . . . Ke hlile ka ananela seo moshanyana a se buileng, bopaki bo khabane hakaalo.

⁷ Ha ke utloa mathaka a macha a khabane ana a paka tumelo ea bona e theiloeng ho Kreste . . . 'Me ke—ke a tsofala, 'me ke . . . tsatsi le leng ke tlameha ho—ho—ho tèla le ho ea Lapeng. Le ho bona mathaka ana a tlang a itokisitse, le ho itlhophisetsa ho e hokela moo ke e sieang . . . 'Me re sebetsa joalo. Bophelo bo raliloe joalo. Hore re . . . moloko o mong o a nyoloha . . . le ntate le 'mè. 'Me ba holisa bana ba bona, le ho ba bona ba chata; ho fihle litloholo. Ka mora nakoana, Ntate le 'Mè ba theohela leröleng. 'Me ebe, nakong eo, bana ba se ba itokiselitse litloholo hape; ebe, ba theoha. Empa ho tla fihla, tsoho e khôlô ea bohole le leng la matsatsi ana. Bohle re tla biletsoa ka pel'a Sefahleho sa Molimo ho arabela seo re se entseng ka seo Molimo o re fileng sona: Jesu Kreste. 'Me ka hona, ke thabile haholo ho tseba ke phetse molokong ona le sehlopha se khabane hakana sa batho, ba leng bophareng ba lefatše, bao ke kôpaneng le bona. Ke—ke feela—feelaa ke leboha Molimo. 'Me tsatsi le leng mohla memo ea ka e fihlang, be, ke tla—ke tla tlameha ho kôpana le liketso tseo ke li entseng. Ke batla tsohle li be li etselitsoe hlompho ea Molimo.

⁸ Lintho li ngata joaloka ha ke . . . re atamela Selemo se Secha seo ke—ke lakatsang nka—nka lebala ka sona, empa ke tseba ke ipoletse phoso tseo ho Oona 'me—'me O li lahletse Leoatleng la Tebalo, 'me ha O sa tla li hopola le ka mohla. Joale le a bona, rôna ha re etsoa ka tsela eo, kamehla re a hopola. Re ka tšoarelana, empa ha re—re e lebale hobane re a—re a—re entsoe re fapané. Empa Molimo o ka tšoarelana oa ba oa lebala. O ka e hlakola feela eka holane eso be teng. Le a bona? Hobane O na le katamelo Leoatleng leo la Tebalo, empa rôna che. E nahaneeng feela, Molimo ha o hopole re kile ra etsa sebe. E nahaneeng feela! K'hoaere, lôna bacha, ho ka thoeng hola . . . le reng ka taba eo? Molimo ha o hopole re kile ra etsa sebe. Le a bona, O ka lebala ntho eohle, 'me ha e ka ke ea khutlisetsa mohopolong le ka mohla. Na e ke ke ea eba taba eo?

⁹ Ena ha se tulo ea metlae. Ha ke lumele ho saoha hoo le metlae pel'a . . . E nkhopotsa e—e motsoalle oa ka. O ile Khanyeng joale. Empa o—o phethile pale khetlo le leng, ka e—e banyalani ba keneng motseng 'me . . . ba tsoa mahaeng. 'Me ba na le a . . . Banyalani bana ba na le ntate ea holileng, a hlile a tukela Molimo. Ka hona leleiti (e ne e le ntatae eo) e leng . . . a se a nkane le batho ba itseng ba maemo. Le a tseba, moo le fumanang boithabiso bona ba maemo. 'Me ka hona, a tla tšoara boithabiso ba mofuta lapeng la habo tsatsing leo.

¹⁰ 'Me—'me ntate oa hae—oa hae, hoba a je lijo tsa hae, khele o ne a—o ne a tšoara Bibele a kene phaposing a bale nakoana. 'Me a E behe fatše, a lle, a hlabe litlatse, a hooeletse, a itšoare joalo, a eme a boela a khoesa ligalase tsa hae a boele a bale. Ebe o fumana ntho e itseng, a e behe ligalase tsa hae fatše a qale a

hlolia. A re, “E tla sitisa mokete oa ka hona ke—ke—ke tlameha ho . . . Ke tlameha ho etsa ho hong ka Ntate, ha ke tsebe seo nka se etsang.” A etsa qeto ho mo nyollela mokatong o kaholimō, le ho nyolohela holimō—holimō koana e—e tulong eo.

¹¹ ’Me—’me a nahana, “Be joale, nke ke ka mo neha Bibele ea hae, hoba o tla itšoara joalo holimō mane.” Eaba o mo neha Thutafatše ea khale, a mo romela holimō koo. Ho re, “Ntate, sheba litšoantšo tsa lefatše le lintho re sa tšoere mokete.” Le ho re, “Re ke ke ra ea halelele. Re tla—re tla be re theohile . . . U ka theoha ka mora nakoana.” Ho re, “Ke u tseba u sa ipatle har'a basali bao bohle.”

¹² A re, “Che, ho itoketse, moratuo. Ke tla—ke tla nyolohela koo.”

¹³ Ka hona a . . . A mo hlophisetsa leseli le tulonyana. ’Me a nahana, “Be, e—e batalalitsoe. Joale, o tla ichebelia litšoantšo a bale lethoana la—la thutafatše, e be . . . ’me o tla theoha ka morao ho nakoana. ’Me ho tla itokela.”

¹⁴ Bohareng ba lino tsa bona tsa lemonade e pinki, le a tseba, ba tšoere mokete oa bona . . . Ka mora nakoana, ntlu ea qala ea reketla, motsofe a qala a mathela holimō le tlase mokatong a hoolelitse a qhomaka. ’Me—’me a nahana, “Ho etsahetse’ng ka eèena? O ne a sa tšoara Bibele holimō mane. Hoo . . . O tšoanetse a be a thotse Bibele.”

¹⁵ Eaba o matha a nyoloha litepisi, ho re, “Ntate!” Ho re, “U ntse u sa bale Bibele. Ke Thutafatše.”

¹⁶ A re, “Ke a e tseba, moratuo. Ke a e tseba! Empa” ho re, “u a tseba, tsatsi le leng ke balile Bibeleng moo Jesu a boletseng A lahletse libe tsa rôna Leoatleng la Tebal, u a bona, li se hhole li hopoloa hape. ’Me ke balile mona ho thoeng ha ba fumana botebo ba leoatle libakeng tse ling, ho Thutafatše.” Ho re, “Nahana feela, li sa ntse li lepella.”

¹⁷ E ne e mo thabisa. Ka hona u ka fumana Molimo hohle moo u shebang teng. Le a bona, ha u ka qamaka feela, sohle se tla buella Oona.

¹⁸ Joale ehlide, ka botšepehi, ke—ke boleletse Moena Outlaw, “Nka bua ka’ng hoseng hona? Ana u rerile molaetsa oa hao oa Keresemose?”

Ho re, “E.”

Ka re, “Molaetsa oa hao oa Selemo se Secha?”

“Che.”

¹⁹ Ka hona, ke ne ke ralile linthoana mona ha nka tšoha ke mengoa kae-kae, ke tla rera Molaetsa oa ka oa Selemo se Secha. Ka hopola nka e tlohella Moena Outlaw, veke e tlang.

²⁰ Ka hopola nka rothetsa mona sehloohonyana se ka re tšoarellang metsotsa e ’maloa mona, ha Morena a ratile. ’Me re

tšepile A tla re hlohonolofatsa. Ke batla ho leboha Moena Outlaw le kereke mona, ho 'memela ho bua holimō mona. 'Me ke... Joaloka ha Moena Outlaw a boletse, ho re "setsoalle sa rōna ha se eso pharoloe le ka mohla," empa mohau oa Molimo o re babaletse lilemo tsena tsohle. Ena ke kereke ea pele e 'memileng, ke tla ho eona, ke ne ke le Phoenix.

²¹ Ke a tseba...Ke a khlooa ke shebile Moena Trow, mona. Ha ke a tiea...ea lutseng ka pele. Na ho joalo, Moena Trow? Ke lumela a na le teng mohlang oo. Ke na le linthoana tseo a mphileng tsona mehleng eo; nthoana...ba e bopella kapa ho hong. Le a tseba, linthoana tsa koporo tse tsoang holimō mona moo u lulang teng. 'Me ha u qamaka... 'Me ke a ipotsa ho tla ba joang hoseng hoo mohla re tselang, le a tseba, le ho bona batho...ba re, "Be, mono..." Le a tseba, re tla shebeha re fapanne haholo lekhatheng leo, ho feta hona joale. Re tla...Ke hantle. Re ke ke ra jara mabote a sebe kapa botsofali. Re tla be re phethahetse. Oh, ke hlolohetsoe nako eo (lōna le reng?) moo mathata ohle a tla beng a felile teng.

²² Me joale, ke tšoere Molaetsa o tsoang Molimo oo ke—ke o utloang. 'Me ke a...Ha ke batle ho fapanne, empa ke tšoanelo ho tšepahala. 'Me ha ke sa bue likholiseho tsa ka, le ke ke la ntšepa. Hobane ke—ke—nka ba ho kang lehlabaphio kapa moikaketsi. 'Me ke—ke batla ho ba eng le eng kantle le hoo, le a bona. Nka lahleheloa ke metsoalle e 'maloa lefatšeng, empa ke—ke batla ho lula ke tšepahetse likholisehong tsa ka, ho seo ke se nahanang e le 'nête.

²³ Joale, lilemong tse fetileng, ho ne ho le bonolo ha ke qala; le lipontšo, le molaetsa, le ther. Hohle ho butsoe liphaka, "Tloo! Tloo! Tloo!" Empa eaba, le a bona, pontšo efe ea makhonthe e tsoang ho Molimo e na le e—e Molaetsa, Puo. Le a bona, E o sala morao. Haeba e se joalo...Molimo ha o abe ntho e joalo ho thabisa ka eona feela. O—O romela ntho e hulelang maikutlo ho seo O itokisetsang ho se bua. Joaloka ha k'hoaere ena e re binetse hamonate; e ne e le ho etsang? Ho kokobeletsa batho molaetsa o tlang ho tla.

²⁴ Ke seo—ke seo pontšo e se etsang. Moshe o fuoe lipontšo tse re buileng ka tsona boisu bo bong, 'me lipontšo tseo li na le Lipuo. 'Me eona...mohla Puo e ne e bua...Jesu o ne a tsoe a folisa bakuli. E ne e le Monna e moholo. Empa ha fihla nako mohla eo—eo Moporofeta, ea na le holim'a lefatše...Ba qetetse ho mo fumana lilemong tse makholo a mane, 'me E le enoa holim'a lefatše a etsa lipontšo. Mohlang oo E le "mothaka ea lōkileng," mang le mang a Mo batla. Empa mohla Molaetsa o no o sala pontšo eo morao (Puo)...eare ha A lula fatše tsatsi le leng, 'me ho thoe, "'Na le Ntate oa Ka re Bang." Oh, banna! Eo—eo—eo e ne e le ntho e fapaneng. Ba—ba ne ba sa batle hoo. Le a bona?

²⁵ 'Me hoo . . . lefatše le joalo feela le hona, metsoalle. Le a bona? Ba . . . ntho efe eo ba ka e unang, haeba ba ka—ba ka ithusa ka eona, le a bona. . . . Ha ba—ba ikutloa e sa ba hlophe, khele, ba tla—ba tla e etsa. Empa ha ho fihla mohla ba lōkelang ho fetola likakanyo tsa bona ka lintho, ke mohla ho hlahang mathata.

²⁶ Joale, le a bona, re haha moaho, e seng lerako. Liahī li batla ho tšoarana le mola oa litene o theohang o otlolohile feela. Joale sehabi sefe se ka haha ntho eo. Empa ho ja mothinya ho qosa mak'heniki oa sebele oa setsebi. Le a bona? Ha u tlameha ho ja k'hona, ke mohla ho hlokoang. . . . e a supa haeba u le—u le setei sa majoe sa makhonthe kapa che; ha u khona ho ja mothinya ka lona, u ntano tsoella ka moaho ohle, empa ako je k'hona. Joale lik'honeng tsena ke mohla mathata a hlahang. Liahī li batla ho 'na li haha li tsepame. Empa ha re hahe lerako; empa, moaho.

²⁷ Joale ha re atamela sena, hoseng hona, le nthapelle, 'me ke tla. . . .'Na ke le rapella kamehla. 'Me joale, ha re inamiseng lihlooho tsa rōna nakoana ka pel'a Sefahleho sa Jehova e Moholo, Molimo. 'Me re itemoha khaello ea rōna; rōna bohle re etsa joalo. 'Me ka mona ha ho ea se nang tlhoko. 'Me ke a ipotsa, re sa rapela, na u teng ea tšoereng tlhoko e ikhethang?

²⁸ Le a tseba, Molimo e leng mohloka-pheletso, joaloka ha ke buile mona Phoenix tsatsi le leng ka hara—ka hara kōpano tlase mona. . . . Ho joaloka ka thelebishene feela, e a fihla, Kreste o ka mohahong mona hantle hona joale. Le a bona, khato efe eo u e nkang, nako le nako ha o panya, e ke ke ea timela le ka mohla. E tšoeroe ke maqhubu a ethere sebakeng. Ha se thelebishene e bopang ntho eo. E thonaka leqhubu leo la hao feela, e le hlahisa holim'a lesira. Se ntse se le mono le hona. Ha e sa le se le teng. Khato efe eo u kileng ua e nka e sa ntse e phela, sebakeng. Joale, na le bona seo re tlāng ho ba sona kahlolong?

²⁹ Ka hona, Molimo o mona ka ho tšoana. Ha re Mo bone, joaloka ha re sa bone lipi'chara tseo tsa thelebishene. E hloka chupu e ikhethang kapa kristale ea ho hong ho qhautsa puo eo, le ho boela e hlahisa pi'chara le joalo-joalo. E ne e le teng mehleng ea Adama mona holim'a lefatše, empa re sa tsoa e sibolla feela. Molimo o teng mona hoseng hona. 'Me le leng la matsatsi ana, Lilemong tse Sekete, re tla e elelloa. E tla hlaka le ho feta thelebishene kapa lintho, hore O ne a le teng mona kōpanong hoseng hona.

³⁰ Joale ha re sa ntse re. . . . ka mohopolo oo, hopola seo u se hlokang pelōng ea hao, le ho Mo phahamisetsa letsogo la hao feela. Na le tla etsa joalo? Ho re, "Morena, . . ." 'Me pelōng ea hao, u nahane mohopolo.

³¹ Joale, Ntate oa Leholidō, re na le katamelo e le 'ngoe ena feela, 'me ke mokhoa oa thapelo. 'Me rea—rea tla ka Lebitso la Morena Jesu. Ha rea—rea lōkela ho phefumoloha Lebitso leo, ho Le sebelisa. Ha re a. . . . ha re itemohe re na le tokelo ho hang,

empa hobane re memetsoe ho etsa joalo. Le ho tseba sena, ho re O boletse, "Ha le kōpa Ntate eng le eng ka Lebitso la Ka, Ke tla—Ke tla—Ke tla se etsa." 'Me re a . . . hola feela tumelo ea rōna e ka ema ka morao ho ntho eo, e re ka ha e le Lentsoe la Oona le hore Ke Mang, re khotsoe ruri hoba re fuoa seo re se kōpang. U bone kōpo e 'ngoe le e 'ngoe. U bone letsoho la ka. U tseba kōpo ea ka.

³² 'Me Ntate, ke rapella e mong le e mong oa bona. Sohle seo ba se hlokang . . . Morena, ha ke lumele sehlopha sa tšobotsi ena se ka kōpa letho le phoso. E tla ba molemong ho ntšeletsa 'muso oa bona, e ka ba nqa pholiso ea bona, 'me ho etsa hoo, ba e batlela, kapa kutloisiso ea bona, ba e batlela ho ntšeletsa 'Muso oa Molimo.

³³ 'Me ke a rapela, Molimo, tlhoko efe le ea mang le mang e abjoe. Sitsa kereke ena, molisa oa eona, balekane-'moho, le batikone, literaseti, le litho tsohle tsa eona, bachaki, baeti. Ha se baeti, Morena. Rōna bohole re bana ba Hao ka mohau le ka Kreste. 'Me re U rapela hoseng hona ho re fa Bohobe ba Bophelo hona joale, re tle re tlohe mona ka kutloisiso e reng likōpo tsena tseo re li qetseng re li neiloe.

³⁴ Hlohonolofatsa Lentsoe, Morena, ke sa Le bala. Ha ho motho ea—ea bokhoni le ha e le ea lekaneng ho hhalosa Lentsoe leo. Johanne o bone Buka letsohong la Ea lutseng Teroneng, 'me ha ho a fumanoa e mong Leholimōng, le ha e le lefatšeng, le ha e le ka tlas'a lefatšē ea fumanoeng a na le tokelo esita le ea ho sheba Buka. Empa e mong oa baholo o itse, "Bona, e—e Tau ea Leloko la Juda e hlotse." Johanne, ha a talima ho bona e—e tau, a bona Konyana e hlabiloeng, e—e Konyana e mali ea tsoa ea nka Buka, ea hloella Teroneng ea lula fatšē. 'Me makhotla ohle a tlottlehileng a Leholimō a rola meqhaka lihloohong tsa oona a inama 'me a tseba hoba O na le tokelo.

³⁵ Morena, re Mo rapela ho tla Teroneng ea lipelō tsa rōna hoseng hona. Ho hloella le ho hapa mohopolo o mong le o mong oa rōna, le ho nka Lentsoe le ho bua le rōna re tle re tsebe ka Eèna ho feta le ka leano la Hae maphelong a rōna. Re e kōpa ka Lebitso la Jesu. Amen.

³⁶ Joale, ha le batla ho phetla Bibeleng ho . . . Lengolo le fumanoa ho Santa Mattheu khaolo ea 21, le ho qala ka . . . Ke a kholoa re bala temana ea—ea 10 le ea 11 ea khaolo ea 21 ea Mattheu. Le lōke, ha le fihla lapeng, haeba le eso etse joalo matsatsing a phomolo ena, haeba le ka bala khaolo ena kaofela. E monate haholo. E monate kaofela. Taba ena, haholo seh leng sena, le ka Molaetsa oo ke tšepileng Moea o Halalelang o tla ntumella ho le tlisetsa ona hoseng hona.

³⁷ Lemohang temana ea 10 ha re bala, le ea 11.

Eare hobane a kene Jerusalema, motse oohle oa hoereana, oa re, Enoa ke mang na?

Eaba letšoele le re, Enoa ke Jesu moporofeta oa Nazaretha oa Galelea.

Joale ha re . . . Molimo a ekeletse Lentsoeng la Oona e—e theropalong ea Lengolo lena.

³⁸ Joale re tseba nako, 'me boholo ba lōna le tseba Lengolo la khaolo e ikhethang ena. Ke ka la . . . ruri ke mohla Jesu a kenang Jerusalema, a kaletse tonkana. 'Me re . . . Tšomo e re "e ne e le tonki e tšoeu." Ke a kholoa, e le papiso e etellang ho khutla ha Hae labobeli a kaletse. Mohlang oo, moporofeta o itse, ha thoe "O tla kalla . . . Khosi ea hao e tla ho uena e kaletse petsana ea esele, e ikokobelitse e le mosa." Ke kamoo A tlāng kateng 'me —'me . . . holim'a e—e tonkana, pelesa-moroalo. Empa khetlo le latēlang ha A tsoa Khanyeng (khaolong ea 19 ea Tšenolo), O tla e le Mohloli ea Matla. Seaparo sa Hae se innoe maling, o kaletse pere e tšoeu, 'me makhotla a Leholidō kaofela a Mo latētse a kaletse lipere tse tšoeu. 'Me tšomo (ha e kheme le lengolo kapa nalane) . . . Empa tšomo e lumela A na kaletse tonki e tšoeu mohla A kenang Jerusalema.

³⁹ Joale hoo . . . ke khethile sena . . . le joale e sa le . . . kahobane re lutse meriting ea e . . . kapa nakong ea sehla sa Keresemose, le—le sa Selemo se Secha; qetello ea selemo sa khale, le ho thoasa ha se secha. 'Me matsatsi a 'maloa ho tloha joale, batho ba bangata ba tla phetla maegephe a macha 'me—'me ba etsa lintho tse ncha 'me ba ana likano tse ncha; 'me ke qalo ea Selemo se Secha. 'Me ho 'na haholo ha e tšoane le Keresemose. Ha ke tsebe lebaka, kamehla ke rata ho e bitsa "Letsatsi la Santa Klause." Le a bona? Hoba ruri ho se ho ho kaalo . . .

⁴⁰ E ne e ke ke ea e ba letsatsi la tsoalo ea Kreste. Ehlide ruri ho ne ho ke ke ha ba joalo. O ne a tla tlameha ho tsoaloa ka Hlakubele kapa 'Mesa, hoba E ne e le Konyana. 'Me E ne e le nku e tona le ho hlahela tlas'a *pheleu*, Aries. E ne e lōketse joalo, le a bona. 'Me linku ha li tsoaloe ka Tšitoe le hona. Linku li tsoaloa Selemo. 'Me ntho e 'ngoe hape, maralla a Judea hona joale, a letse lehloa la maoto a mashome a mabeli. Balisa ba be ba ka tsoela mono joang?

⁴¹ Ka hona ruri e tsoa ho thutalikhopolu ea Roma, etsoe e ne le mokete oa tsoalo ea molimo-letsatsi. Mahlahana a letsatsi ha le feta, matsatsi a lelefala 'me a lelefale, 'me masiu a eketsa ho khutsufala. 'Me lipakeng tsa la 20 le la 25 Tšitoe ke mokete oa tsoalo ea molimo-letsatsi, tlas'a thutakhopolo ea Maroma—Maroma. Me e be moo melimo ea bona . . . 'Me ba ne ba keteka tsoalo ea molimo-letsatsi. 'Me Konstantine, 'me—'me mohla ho no ho raloa molaotheo oa kereke le nahal le joalo-joalo, o itse, "Re tla e fetola" (o ne a sa tsebe letsatsi leo) "a le fetisetsa moketeng oa tsoalo ea molimo-letsatsi, le ho le etsa: *mokete oa tsoalo ea Mora oa Molimo*." Le a bona? Etsoe . . . Empa ha re tsebe e ne e le letsatsi lefe.

⁴² Empa joale, tsa bona, li ntšitse Kreste e mongata, ho fihlela ntho eohle... ba bang ba boetse ba khutlisitse thutakhopolo ea sebopuo sa mofuta se phetseng, ha ho lekanngoa, se bitsoang Santa Nikolase kapa—kapa Kriss Kringle, thutakhopolo e itseng ea Jeremane. 'Me ntho eohle ke khopolotaba feela, 'me Kreste ha a fumanoe ho eona kaofela.

⁴³ 'Me batho ba fetohetse ho reka wiski, le—le ho mokola, le lifeshene. 'Me e—e monna ea... mohoebi ea ka rekisang lithepa tsa hae ka Keresemose a ka phela selemo sohle, ha ho lekanngoa. Le a bona? Ke letsatsi le leholo la phomolo, la khoebo. 'Me bana ba bafumanehi ba seterateng; batsoali ba bona ha ba khone ho—ho ba etela ka—ka mpho, e kang e tsoang ho Santa Klause, 'me ba theoha ka seterata, ka matsohoana a litšila le ka mahloana a mafubelu. Ha ke—ke batle ho e bona feela e fihla. E ka khona e be e le letsatsi le mahlonoko la ho rapela Molimo, sebakeng sa pelō e robehileng le hlooho e opang le lintho tse entsoeng. Ha ho letho la Kreste ka ntho eo. Empa re mahareng a ntho ena eohle joale.

⁴⁴ Re iphumana, re batla re itšoanelia le bona mohlang oo. Le a bona, ke ho kenela mokete o moholo feela joale. Jesu o ne a tlela Mokete oa Paseka. 'Me O ne a kene Jerusalema... kapa a kena Jerusalema. 'Me liporofeto tsa ho hong le ho hong A ho entseng li tšoanelia phetheha. Ntho eohle ka Bibeleng e bolela ho hong. Lebitso ka leng le bolela ho hong. Ha ho letho le ngotsoeng Lengolong le sa tšoara moelelo o—o ikhethang.

⁴⁵ Ke buile bosiu bo bong Tucson, ka Hobaneng E Ne E Tlameha E Be Balisa Sebakeng Sa Baithuti Ba Thutabomolimo? O hlahetse hantle lephakong la kereke. Eaba Moea o Halalelang o khelohela hole koana nahathote oa nka, e se baithuti ba thutabomolimo, empa balisa. E ne e tlamehe ho ba joalo. Baithuti ba thutabomolimo ba ka be ba sa lumela Molaetsa oa mokhalo oo. Ka hona bao... e ne e lōketse e be balisa.

⁴⁶ Ke rerile holimō mona, lilemo tse 'maloa tse fetileng, lilemo tse peli tse fetileng, Hobaneng Ho Bile Joalo, E Ne E Lōketse E Be Bethlehema E Monyenyane? Ha Morena a ratile, Keresemose e latēlang, ke batla ho rera ka, Hobaneng E Ne E Lōketse E Be Banna Ba Bohlale? Bo-Hobaneng? bana: ba tšoere likarabo, 'me li mona hantle kahar a Bibe. 'Me re phela nakong e babatsehang, nako e khōlōhali mengoaheng eohle. Re phela mohlang oo, nako efe ho ka... nako e ka khaotsa 'me Bosafeleng ba momahana le eona hantle le ho tsoelapele. Mengoaha eohle ea baporofeta le baeletsi, e ne e shebetse hoo pele. Re tlameha ho lula re itebetse hora e 'ngoe le e 'ngoe, re shebeletse ho Khutla ha Hae.

⁴⁷ Re iphumana, Keresemose ena, re batla re itšoanelia le joaloka ha ba entse Keresemose ea pele le hona. Lefatše le mothating oa ho ngamoha. Joaloka ha nkile ka rera hang, nqa e 'ngoe, ka molaetsa oa Keresemose, Lefatše Le A Ngamoha.

'Me lefatše le boetse le mothating oa ho qhetsoha maqhetsoana. Shebang lithothomelo tsa lefatše ka mona California. Ke a lepa, pele Morena Jesu a khutla, Molimo o tla hohlometsa tulo eo. Ke lumela Hollywood le Los Angeles, le libaka tse litšila tseo koo, hore Molimo o Matlaohle o tla li hohlometsa. Li tla theohela botebong ba leoatle. 'Me sebe se phaellane haholo, le a bona, ke lerako.

⁴⁸ Tsoelopele e haotse le letsatsi, ho tloha... 'me e qalile Bochabela, e habile bophirima. 'Me joale e Lebopong la Bophirima. Ha e ka tsoelapele nqa efe, e tla khutlela Bochabela hape. Ka hona leo ke lerako. 'Me sebe se haotse le tsoelopele, 'me se fetoha dreini ea mongoaha eohle. Lintho tseo ba li etsang tseo—tseo batho ba mongoaha o mong ba ka beng ba sa nahana ho etsa tse joalo. Basali ba itahletse bobolung bo bokana, ebile ha ho mosali mongoaheng ofe ea beng a ka nahana ntho e tšoanang le eo re e etsang kajeno. 'Me le joale re ipitsa Bakreste. Lihlong tse kakang!

⁴⁹ Ha ho makatse ho hlahile moporofeta e moholo, 'me o itse, "Ha ke moporofeta e bile ha ke mora moporofeta, empa..." Ho re:

*Tau e se a rora, 'me ea sa tl'o ka tšoha ke mang? 'Me...
Molimo o se a buile, 'me ea sa tl'o ka hana ho porofeta
ke mang?*

Le a bona? Ntho e teng e tlamehang ho hlaba mokhosí.

⁵⁰ Re horeng e hlokolosi; lefatše le moo. Empa Kereke, Kereke ea sebele (e seng mokhatlo oa bolumeli); empa Kereke, ka Seqo, e itokisetsa tlholo e khōlō ho fetisa E kileng ea e hapa: ho tla ha Monyali ho Monyaluoá.

⁵¹ Re a qhaqheha, re shebeletse messia (ntho e itseng) ho tla tla re pholosa, ho re ntša nthong eo eohle. Re shebile tlase...mathata tlase Bochabela. Re sheba matsoso a Afrika, le mathata a semorabe, le kōpano, le—le likhethollo. 'Me bohle re ngangisane ra hloliea nakoana e fetileng mona (metsoalle ea rōna ea bambala) ka, "Re tšoanelia ho fumana, re tšoanelia ho kōpana. Ke seo re se hlokang. Re tlameha ho kōpana; motho e mong le e mong, a lekane, motho e mong le e mong." Be, e phethahetse hantle. E phethahetse hantle. Ha ke lumele bokhoba. Batho bao e ne e se makhoba le ho qaleng. Ha se makhoba.

⁵² Molimo ke mokhetholli. Le 'na ke eèena. Mokreste ofe ke mokhetholli. Molimo o khetholla batho ba Oona ho ba bang bohle. Ba a...E sa le e le khethollo. O khethile sechaba. O khetha batho. Ke mokhetholli. O entse lichaba tsohle. Empa le joale, Mokreste oa sebele oa makhonthe o tlameha e be mokhetholli. Ho ikhetha linthong tsa lefatše le nthong e 'ngoe le e 'ngoe, le ho kenela morero o le mong, Jesu Kreste.

⁵³ Empa ba hloliea ka ntho eo. Ke lekile ho ba bolella, "Ha se eona ntho e tla pholosa sechaba sa rōna. E mpa e le leano

la polotiki feela. E—e motheo oa eona ke bokomonisi.” Ke hopola Martin Luther King a tla isa sechaba sa habo hlabong e khōlōhali, le polao, eo ba kileng ba e kenela. ’Me ba... Le a bona, ntho eo e ke ke ea momahanya lefatše ’moho. Hoo ho ke ke ha re pholosa. Re ba fa kōpano. Joale e mpefetse ho feta pele. Le a bona, seo ha se... eo ha se eona potso. Ntho e ’ngoe feela e ka khonang: ke Molimo. ’Me ehlile ha ba E batle.

⁵⁴ Ba ne ba sa ’Matle mohlang oo. Ba ne ba qhetsoha, le lipolotiki tsa bona li qhetsoha, lichaba tsa bona li pshatleha, kereke ea bona e pshatleha, ’me ba llela Messia. Ba ne ba Mo batlile. “Oh, re romelle Messia.” Empa mohla A fihlang...

⁵⁵ Molimo o hlahisitse... o hlahisa karabo ea thapelo ea lōna. Le kōpile, ’me le tla fuoa. ’Me hoo ke... Mona nka emisa lihora, ka banna le basali, esita le Bakreste, ba rapellang ntho; ’me Molimo o hlahisa karabo feela ha ba e lemohe.

⁵⁶ ’Me joale, Molimo o ba neile karabo. Ba ne ba batla Messia. Ba tsebile ba bile le boSesare, ’me ba bile—ba bile le boDavida, ba bile le boSolomone (monna ea bohlale), ba bile le boDavida (bahlabani ba baholo), ba—ba kile ba fumana ba mefuta eohle, empa ba tsebile ba hloka thuso ho tsoa Leholimōng ’me ba... Molimo o ba tsepisitse Messia. ’Me O ba romeletse Messia eo, e le karabelo ea thapelo ea bona, ba mpa ba sa Mo batle.

⁵⁷ Ke a ipotsa, kajeno, haeba lithapelo tsa rōna... U ba utloa ba re, “Rapellang tsoseletso e khōlō. Rapellang sena. Rapelang hore re phunyeletse. Rapellang bonngoe.” Ke a ipotsa, hola Molimo o ka romela leano le joalo, re ka le amohela na. Ke a ipotsa haeba re ka amohela seo O re romellang sona. Le a bona, O... Lebaka leo re rapellang lintho tsena, hoba re e tseba e hloko. Empa Molimo ha o e romela kamoo O e batlang, ha e khahle tatso ea rōna, ’me ka baka leo ha re e amohele. ’Me ho etsahetse joalo letsatsing leo. Haeba A ne a sa khahle tatso ea tumelo ea bona le ntho ea bona... Ba—ba ke ke ba Mo amohela hape, kajeno. Ke ka hona ba botsitseng potso, “Enoa ke mang? Thaka le tlang lee ke mang?” Le a bona, e ne e le e—e nako e tšabehang. Oh, e mong le e mong o ne a... tsitsipano. Ntho e ne e le mothating oa ho etsahala.

⁵⁸ ’Me kajeno le shebe lefatše, tsitsipano eo lefatše le phelang ho eona. Ha u theoha ka seterata... Ha ho—ha ho a bolokeha ho qhoba. Ha ho a bolokeha ho kena ’milakhōlō o phallang ka melā e mene. Mang le mang ba tsitsipane, mabifi a bona a phasoloha ’me... Molato ke’ng? Kokobela hle. Le habile kae? Linqalo tsa mahlanya li phophomisoa ke eona. Ke sona se lubang kereke hakana. Ba—ba thula ntho e itseng ka hlooho. Ha ba batle ho ema ho nahanisisa Lentsoe la Molimo, le hora eo re phelang ho eona; bohole ba tlas’ a pitlahano, tsitsipano.

⁵⁹ ’Me joale, re a tseba, re a elelloa. Lefatše le sa tsoa feta mahlabeng a mang a maholo a pelehi. Le kereke e feta

mahlabeng a mang a pelehi. E ne e tlameha ho tšoaroa ke mahlaba a pelehi pele e ka nehelana... E mong le e mong oa baporofeta bao, e ne re ha ba fihla lefatšeng, ho kereke e ne e tšoaroa ke lehlaba la pelehi. Lefatše le fetile Ntoa ea Pele ea Lefatše, Ntoa ea Bobeli ea Lefatše, 'me joale le itokisetsa Ntoa ea Borarō ea Lefatše. 'Me le boetse le tšoeroe ke mahlaba a pelehi. Empa khotso e ka tlisoa ke ho le hong feela, 'me hoo ke Kreste.

⁶⁰ Merero eohle ea rōna, le menahano, le likaho tsa rōna tsa bokereke, le lipolotiki tsohle tsa rōna, le saense eohle ea rōna le ntho eohle, e pakiloe e le masaoana. 'Me ebe re rapela Molimo ho—ho re thusa, le ho kena lipakeng, "Kena o re etsetse ho itseng." 'Me e be ha O etsa joalo, ke ipotsa feela haeba re tla E utloisia; haeba re tla khona ho E amohela; kapa esita le ho E nahanisia?

⁶¹ Joale ke sona se entsoeng matsatsi a morao koana. E sa le ba rapela, ba fuoe baetapele ba baholo ba mefuta eohle, ba laoloa ke mebuso, ba laoloa ke likhosí, ba lula tlas'a eng le eng, baahloli. Empa ba tsebile ntho e ka ba pholosang e le 'ngoe feela, e ne e le ho fihla ha Messia. 'Me *Messia* e bolela "motlotsuo." Motho ea tlotsitsoeng. Ha ho le joalo motho, ea tlotsitsoeng ke Lentsoe. Lentsoe le entsoeng nama har'a rōna. 'Me hoba A fihle, ke ha A—A sa khahlise tatso eo ba e batlileng ho Eena; e ne e se tatso ea bona... eo A tlamehang ho kena ka eona. Ka baka leo ba—ba—ba hooeletsa, "Thaka lee ke Mang?" 'Me morearea ona ohle ke oa'ng?" Sehlopha sa bafutsana tlase mane khorong, se robakanyang lipalema le...

⁶² 'Me o itse, "Hobaneng, ba khutsise. Ba re fuluha lineref, ka mohoo oa bona, le ka lerata, le bitšoaro."

⁶³ A re, "Bana ha ba ka khutsa, majoe ana a tla potlaka a bua."

⁶⁴ Oh, nako e ne e phuthuloha! Boporofeta bo phethahatsoa. Ha ho makatse! "Tau e a rora, ke mang ea sa tl'o tšoha. 'Me Molimo o buile. Ke mang ea sa tl'o porofeta?"

⁶⁵ "Che, haeba A sa khahla tatso ea rōna... Haeba A se kamoo re Mo batlileng, kamoo re ne re hopotse A tlameha ho fihla, re ke ke ra Mo amohela." Hape, lihlomathiso tsa bona li ne li ba faposelitse hole le Lentsoe le ngoliloeng. Ba ne ba le hole haholo, ha ba lemoha Eo ba rapetseng hore A fihle. Likereke tsa bona li ne li ba faposelitse hole, hofihlela seo ba se rapeletseng, se ne se na le bona, 'me se ne se sa khahle tatso ea bona, 'me ka hona ba—ba—ba—ba sitiloe ho Se amohela. Ba ile ba tlameha ho tloha ho Sona. Ba Se leleka. Bao... U ka etsa ho le hong feela ha u kōpana le Kreste. Ke ho Mo amohela kapa ho Mo hana. U ke ke ua tloha ka mekhekhetlo e 'meli. U ke ke ua etsa joalo. U ke ke ua e—e etsa. E lutse e le joalo feela.

⁶⁶ Lemohang feela, ba 'maloa hakae ba Mo eleletsoeng e le Lentsoe le Tlotsitsoeng, la letsatsi leo. Le a bona, Molimo tšimolohong, e leng mohloka-pheletso, ea tsebileng lintho tsohle

e sa le qalong... 'Me lebaka feela la lintho tsena ke ho pepesa litholoana tsa Oona. Tholoana... U na le tholoana ea hao. Ke mohopoloo oa hao. U *nahana* ntho, u ntano e *bua*, u ntano e *amohela*. Ke Molimo oo. Oona, tšimolohong... Haeba u le... Haeba u kile ua ba Leholimōng kapa u tla ba mono le ka mohla, u ne u le Leholimōng le ho qaleng. U karolo ea Molimo. U ne u le mohopoloo oa Oona. O tsebile lebitso la hao. U tsebile hore u ne u le mang le pele e—e molek'hule o ba teng, le pele leseli le e ba teng. Le pele ntho efe le efe e ba teng, O u tsebile le lebitso la hao. 'Me la behoa Bukeng ea Bophelo ea Konyana, le pele lefatše le ka boptjoa le ka mohla. Le a bona, u ne u le mohopoloo oa Oona. 'Me eaba e... Eaba u fetoha Lentsoe. 'Me lentsoe ke e—e mohopoloo ha o hlahisoa. Ebe moo u bonahatsoang.

⁶⁷ O ne A le joalo. O ne a ahile a Inotši tšimolohong. Molimo o no o ahile o le mong le mehopolo ea Oona. O ke ke oa etsa hoo hape hobane mehopolo ea Oona e a bonahatsoa. 'Me ke baka leo re leng mona hantle, ka letsatsi lena... ke Molimo o qoqang le mehopolo ea Oona, e bonahatsoang. Le a bona? Ke rōna bao. Ka hona, uena, ka mohopoloo, u ke ke ua eketsa seemo sa hao ka noko. U ke ke ua etsa *sena*, *sane*, kapa se *seng*. Molimo ke oona o hauhelang. Ke Molimo. "Bohle bao Ntate a 'Neileng bona ba tla tla ho 'Na, 'me ha ho ea ka tlang ho 'Na a sa huloe ke Ntate oa Ka pele." Ke phetho.

⁶⁸ Joale, lemohang feela, ke ba 'maloa ha kae letsatsing la Hae, har'a limilione lefatšeng, tse sa tsebang esita le boteng ba Hae mona. Nahanang feela, ho ne ho le mashome... limilione tsa batho tse sa tsebang letho ka eona. Le ho nahana, Iseraele lekhatheng leo, Palestina batho ba ne ba le limilione tse peli le halofo, tsa Baiseraele, 'me 'ngoe-lekholong ea bona ha e a tseba. Ha ho makatse A itse, "Monyako o patisane le tsela e tsesane, empa e tla fumanoa ke ba 'maloa." Nahanang ka bongata bo sa Mo lemohang! Ha bo a Mo tseba e ne e le Seo. Atha ba phetse tikolohong ea Hae hantle; karolo eo e haula.

⁶⁹ Ba tsamaileng le Eèna, 'me ba Mo bone seterateng, le joalo... ha ba—ba Mo lemoha ke Mang, hoba Satane a kholisa hore lebitso la Hae le—le pharuoe ho feta lefe le kileng la reoa motho. Lefatše le Mo bitsitse (lefatše la tlhaho)... O—O bitsitsoe ngoana bonyatsi (hoba o itse "'mè, o Mo imme, ka Josefa, pele a mo chata"). Eaba o Mo phara ka lebitso la bonyatsi.

⁷⁰ 'Me hape, e—e kereke e Mo bone ka matla a Hae a maholo a bonahatsang. Ho bonahatsa eng? E sang ho bonahatsa tumeloana! O ne a bonahatsa Lentsoe! E ne e le Lentsoe le Tlotsitsoeng, ka Seqo. 'Me hoba ba bone seo se etsahala (ponahatso, Messia ea Tlotsitsoeng), ba E latotse! Ha ba ka ba E batla. Ha ea khahlisa tatso ea bona. Ke eo karolo e haulang. Ba bakae...? E nahaneng feela! Joaloka matsatsing a mang feela.

⁷¹ Le a bona, ke ha mang le mang a itšoaretse botoloki ba hae ba Lentsoe. Ke sona se . . . lebaka leo Israele a sa eleloang Moshe. Lebaka leo lefatše le sa lemohang Nohe. Ka lona lebaka leo baporofeta bohle ha ba lemohuo. Ba ne ba itšoaretse botoloki ba bona ba Lentsoe. Empa Molimo, mongoaheng ka mong, o ne a tšoere Messia oa Hae. Le a bona? Ho latola Molaetsa oa Nohe, e ne e le ho latola Molimo. Ho latola Nohe, e ne e le ho timela. Ho latola Moshe, e ne e le ho timela. E ne e le . . . Bao e ne le boMessia ba tlotselitsoeng mongoaha oo, Lentsoe le neng le tsepisoe mongoaha oo. 'Me mohla Jesu a ttileng, E ne e le bottlalo ba Lentsoe.

⁷² Molimo, ka Seqo, o lohiloe ka seemo sa motho, a le masapo le nama; Motlotsuo. 'Me ba lōketse ba be ba e bone. Empa le a bona, kereke ea bona—ea bona ea lefatše ke ha e ekelitse mona ea tlosa mona le—le joalo, ho fihlela e lubakane ebile ba—ba itšepetse kereke ea bona sebakeng sa—sa Lentsoe. 'Me hoba ba bone kereke ea bona e tlotsitsoe, ba hopotse ntho e khōlō e ne e etsahala. Empa eareha ba bone e—e Lentsoe le tlotsitsoe, ba itse, "Ke bohlanya. Monna enoa ke diabolosi, Belsebule." Hoba e ne e le khahlano le kereke ea bona ho fihlela . . . lihlomathiso tsa kereke ea bona le seo ba neng ba se entse. 'Me ho bile joalo ho tleng ha moporofeta ka mong, kereke e ne e lubakane haholo.

⁷³ Molimo o rometse melao ea Oona oa ba neha selekane. 'Me eaba ho kena moprista ea khaolang, a eketsa, a nka mona, a bopa sehlomathiso ka ona. 'Me e be, Molimo o hlahisa tao-tao feela, monna ea tlotsitsoeng a hlahisitsoe ka matla a Moea. 'Me esale a hlouoe ke baprista, ke likhosi. 'Me—'me mono baporofeta ba bohata ba apara liaparo tsa bona tse bonolo, ba tsamaea ka boikokobetso, le ka mosa har'a likhosi le baprista, ho ithuela mabitso a maholo le—le lintho. Ebe moo moporofeta oa sebele, oa makhonthe, a tsoang tao-tao, e se ho ofe oa mekhatlo ea bona.

⁷⁴ Ke kae—ke kae Bibeleng, moo Molimo o qotsitseng moprista oa mo etsa moporofeta? Ke kae moo Molimo o nkileng mokerekia oa moithuti oa thutabomolimo (monna ea koetlisitsoeng, monna ea koetlisitsoeng ho thutabomolimo) oa mo fetola moporofeta? Ha e fumanoe nqa efe linalaneng, moo O kileng oa e etsa le ka mohla, mongoaheng ofe . . . O kileng oa e etsa. O tlameha ho siroha tsamaiso eo, le ho e hlahisa. 'Me mona O entse hona hoo.

⁷⁵ Jesu, mohla A tsoaletsoeng Bethlehema oa Judea, lelapeng la bofumanehi, 'me ka tsebo ea bona ha ba fumana nalane ea Hae, ke e mong oa leloko la—la Juda feela, 'mè oa Hae le ntate ba tsoile lesikeng la Davida; ba lōkela ho nyoloha ho lefisoa lekhetho. 'Me E ne e le enoa, mothaka e mocha feela, hohle . . . a sa etse letho haese ho qhaqha likereke. 'Me ba Mo hloile. 'Me ba ke ke ba re monna eo ha a etsa mehlolo. Petrose o e hlalositse ka Letsatsi la Pentekosta, ha thoe, "Jesu, oa Nazaretha, Monna ea supiloeng ke Molimo har'a rōna, hoba Molimo o ne o na le Eēna." 'Me ha se ho

eketsa Lentsoe la Oona kapa ntho efe; ho e hlakisa ho feta feela: "E ne e le Molimo le rōna o entsoe nama. Molimo o na le rōna."

⁷⁶ Le ho bua bosiu bo bong, ha thoe Moshe, mohla a emeng mono a kentse letsoho sefubeng sa hae, o... e ne e le Molimo ka ho Moshe. O... (ho boloka makunutu pelōng ea hae), le ho le otlollla le soefetse ke lepera. A ntoo le busetsa sefubeng sa hae ho le phekola, a boela a re otlollla lona mohla O romelang Moea o Halalelang; e ne e le Molimo, hape, ka sebopeho se seng feela ka Letsatsi la Pentekosta. 'Me re a O hana. Ha re batle Hoo. Ba entse joalo mohlang oo. Mohlomong re ka etsa joalo kajeno.

⁷⁷ Re a bona, motho e mong le e mong o kokositse botoloki ba hae. Lebaka leo e ferekanyang hakana. Empa le a tseba, Bibele e boletse, ha thoe, "Lentsoe lena ha le a itlela ka tlhaloso ea motho." Ha Le hloke tlhaloso ea Presbeteriene ea Lona. Ha Le hloke tlhaloso ea Baptise. Le joalo ha Le hloke tlhaloso ea Pentekosta. Molimo ke tokolo ka Seqo. O boletse hoba O tla e phethisa, ka hona O e phethisa feela, 'me ke phetho. Ke ka hona ba bonang Lentsoe la pallo le tlotsitsoe 'me ba—ba sa khone ho Le amohela, le a bona, hobane Le khahlano le lihlomathiso tsa bona—tsa bona.

⁷⁸ Kamoo Messia (Motlotsuo) a tla shebeha kateng, le seo A beng a tla se etsa; se ne se le hole le kutloisiso ea bona. 'Me eaba ba se balloa ho tsoa Mangolong, seo A tlang ho se etsa, le joalo ha ba E utloisia. Hoba mohla ba bohlale bana ba theohileng, ba tsoa holimō koana Babilona, e batla e le nqa leboea-bochabela ho tsoa Jerusalema, ba sheba fatše 'me ba bone Naleli eo e habile nqa bohirima. Ba E setse morao lilemo tse peli, ho theoha ba parola Noka Tigrisi, le ho feta liphuleng le Sheneare, le ho theoha joalo, ba fihla motsemoholo oa litumelo tsohle. Borapeli bo boholohali lefatšeng, tempeleng, Jerusalema. Le holimō le tlase literateng ho thoe, "O kae na? O kae Ea tsoetsoeng Khosi ea Bajuda?" Khele, ha ho mang ea tsebileng letho ka eona. E ne e makatsa.

⁷⁹ Ebile ea fuluha ho fihla koana Sanhedrine...ha bitsoa baithuti ha thoe, "Balang Mangolong moo Messia..."

⁸⁰ 'Me ba tloha ba lata e—e Mangolo ha baloa hore Mikea o boletse, "Ho uena... Judea... Bethlehema oa Judea, na ha u monyenyane har'a mahosana? Empa ho uena ho tla tsoa 'musisi."

Le a bona, sebakeng sa ho batlisisa, ba e lahlehisa feela, "Be, ke seshoba sa bohlanya." Le a bona? Ke ka lebaka leo balisa ba ileng ba nka Molaetsa. Le a bona, ha ba... Ba itlhalosetsa lona, ka hona, ba—ba fosa ntho ea 'nete le ea sebele.

⁸¹ Empa joaloka mehla, ha A fihla, O fihla hantle feela kamoo Lentsoe le boletseng A tla fihla. O kene motseng hantle feela, mohlolithero oa rōna hoseng hona, kamoo Lentsoe le boletseng A tla fihla. 'Me ba itse, "Ke mang?" Le bona seo ke se bolelang? Ba tlamehile ba be tsebile na e ne e le Mang. 'Me mona... e

seng lefatše le kantle, empa kereke ea lefatše e itse, “Ke mang? Enoa ke mang?” Athe, mono, Mangolo a ne a boletse a hlakile ha thoe O tla fihla ka tsela eo. ‘Me ba re, “Ke mang? Thaka lena ke mang? Moreaea ona ke oa’ng? Khaotsang lerata leo lohle, le a re ferekanya.” Uh-huh. Le a bona? Eona . . . Le a bona? Eona ntho eo ba e rapeletseng e le hantle letsohong la bona, ‘me ha ba e lemoha. ‘Me O tlide hantle kamoo Lengolo le bolelang A tla fihla. ‘Me haeba A ka etsa joalo kajeno, O tla fihla kamoo Lengolo le reng O tla fihla. Kamehla O tla ka tatso ea Lentsoe la Molimo, ‘me e seng ka khopolo ea tatso ea moithuti ea itseng oa thutabomolimo ka eona.

⁸² Ebile, ana le tsebile Lentsoe la Molimo ha le eso tlele moithuti oa thutabomolimo? Fumana Mangolo moo Le entseng le ka mohla. Lentsoe ha le tle ho baithuti ba thutabomolimo; ho hang. Empa le a bona, haeba Lentsoe le ne le bonahalitsoe kajeno, Lentsoe la letsatsi la rōna, E ne e tla ba ka tatso ea Lentsoe la Molimo. E seng ho ea ka tatso ea mohopolo oa motho ea itseng. Molimo o no o tla nka Lentsoe la Oona leo O le tsepisitseng letsatsi lena, le ho Le tlotsa, ‘me Le ne le tla etsahala. Ke phetho. Ha ho tsela ea ho Le thiba ho etsahala. Le tla etsa joalo le hona, ho sa tsottelehe seo kereke e se bolelang le seo ba bang ba se lumelang. Le . . . Molimo o tla e etsa le hona. E tla tsebjoa ke ’maloa feela. Ke hantle, ba ’maloa feela. Ho bile joalo kamehla.

⁸³ Le a bona, ka botoloki ba bona, ha ba khona ho etsa letho ka ha ba itsételehile ka seo kereke ea bona e ba boleletseng sona. Empa O ne a tla fihla . . . O ne a tla fihla kamehla . . . O entse mohlang oo, ke rialo, ‘me O tla e etsa nako le nako ha A fihla, le sohle seo A se etsang, se tla ea ka tatso ea Lentsoe. Ka hona, re ke ke ra beha tšepo ea rōna ho se boleloang ke batho ba bang. U ka beha tšepo ea hao ho se le seng, ‘me ke Lentsoe. ‘Me Lentsoe ke Molimo. ‘Me Lentsoe le tlotsitsoeng le etsa Messia; Lentsoe le tlotsitsoeng la hora. Ho hotle hakakang! Ba e fositse, Lentsoe; e lōkileng . . . Ba ne ba na le . . . Lentsoe le lōkile kamehla, empa botoloki ba bona ka Lona bo ne bo fosahetse.

⁸⁴ Ke a ipotsa haeba ntho e khōlō ena, Lekhotla lena la Bolumeli leo re le fumanag lefatšeng kajeno, le Mokhatlo oa Likereke tsa Lefatše o boptjoang ‘moho hore etsa bohole bang. . . Ke a ipotsa haeba ba lemoha haeba . . . Ke hantle seo Mangolo a ba boletseng ba tla se etsa. Empa ba hopola e le ntho babatsehang ka ho fetisa lefatšeng, ‘hore bohole re ka teanya matsoho ra ba bang. Ha thoe, “Jesu o rapetse re tle re be bang.” Ke ’nete. Empa ha se bonngoe ba mofuta oo.

⁸⁵ O itse, “Le be bang joaloka ha ‘Na le Ntate re le bang.” Yaa, e bang bonngoe ba mofuta oo. Ebe e tla ba joang? Lentsoe le ka ho rōna e tla ba Lentsoe le tlotsitsoeng. Ke bona bonngoe ba Molimo boo. Le a bona, bonngoe ba Molimo ke Lentsoe le tlotsitsoeng ka ho uena. Le a bona? ‘Me ebe o fetoha mora (messia) oa mongoaha.

⁸⁶ Joale re fumana batho ba itšoanelā hakaalo. Batho ha ba fetohe. Batho bana ba ne ba arotsoe lihlopha tse tharō. 'Me re tla hlahloba taba eo metsotsō e 'maloa. Ke a tseba ke tla siioa ke nako hanyenyane, haeba ho itōketse ka lōna. Ke lenama haholo, ke—ke—ke feela . . . Ha ke tsebe; ke—ke a kena ke ngola Mangolo fatše, le lintlhana. 'Me ebe ke—ke fihla mono 'me e—e Moea o Halalelang oa a ntšoara, 'me ke—ke—ke—ke . . . e ka re ha ho moo e fellang. È lula e tsoella. Empa, joale, therō ea rōna.

⁸⁷ Ba ne ba arohane, mono, lihlopha tse tharō tse fapaneng, likakanyo tse tharō tse fapaneng. Ba bang ba lumetse ho Eēna. Ba bang ba Mo hloile. 'Me ba bang ba sa tseba seo ba ka se etsang.

⁸⁸ Le a bona? Ke kamoo—kamoo re e tšoereng kateng feela. Ke e rerile, ke a kholoa kerekeng ena, hang: *Balumeli, Baiphehi-tumelo, le Bomosalumele*. Borarō boo sehlopheng, u—u ba fumana hohle. Bona ke borarō ba sehlopha, hape; ho bona hoba maemo ana a batho esale a le teng. Re ka khutla ra e paka, hore ao ke maemo a batho a kamehla. Esale ba le maemong a mofuta oo kamehla.

⁸⁹ Ho bona esale ho lutse joalo, re ea re lumela hoba Molimo o bopile batho ka tsela eo. Hobaneng, O etsa hore sera sa Hae se Mo rorise. Ntho e 'ngoe le e 'ngoe . . . Pauluse, ha a ngola, ho Baroma, khaolo ea 8, o boletse, "Oh, uena sethoto. Na ebe—ebe letsopa le ka bolella 'mopi, horeng u etsang ea ka . . . tjee? Na ha A na matla a ho bopa khoabi e 'ngoe e tlotleha le e 'ngoe e sa tlotlehe?" Ho ka thoeng hola A sa etsa bosiu? U ne u sa tl'o ananelā ho chaba ha letsatsi. Hola e le ho chaba ha letsatsi hohle, u ne u sa tl'o tseba ho le ananelā. Hola maloetse a ne a le sieo? U ne u sa tl'o tseba ho ananelā bophelo bo koenneng. Hola batho ba khopo ba le sieo? Ho se basali ba khopo? Mosali ea lōkileng a ka ba s'a ananeloe. Le a bona? Ba ne ba sa tl'o . . . Hlompho e ka be e sa mo tšoanelā, hoba hohle ho a itšoanelā, ke ntho e le 'ngoe feela e bataletseng. Empa ke molao oa phapano.

⁹⁰ Molimo o e sebetsa joalo: e mong a nyatsehe hona, ho supa ea hlomphehang; e mong a fosahale haholo hakana, e supa . . . Holane ho se joalo, e ka be e se ntho e lōkileng. Hola ho se . . . Dolara ea moshaqane e ke ke ea fihla pele ho dolara ea sebele. 'Me dolara ea moshaqane ke . . . Hola ea etsoa moshaqane le ho qaleng, e ka ba e le ea mannete. Empa ke—ke kopī. Ho ke ke ha ba le . . . Sebe se ke ke sa ba teng pele ho lōka ho ba teng. Hobane ho lōka ke e—ke ntho e khabane, 'me sebe ke khopamiso ea ho lōka. Ka mantsoe a mang, 'nete ke 'nete. Leshano e ke ke ea eba leshano pele 'nete e fihla; ho khopamisetsa 'nete eo ho leshano. Ka hona sebe sohle ha se letho e mpa e le ho lōka ho khopameng. Ka baka leo, tsamaiso e teng lefatšeng.

⁹¹ Litsamaiso li peli; 'me e 'ngoe ea tsona ke tsamaiso e lōkileng, 'me e 'ngoe ke tsamaiso e khopameng. 'Me e 'ngoe ea tsona ke

Lentsoe la Molimo, le lōkileng; 'me lentsoe la motho e mong le e mong ke leshano. 'Me tsamaiso ena ea rōna ea bolumeli kajeno, e bopang Mokhatlo oa Likereke tsa Lefatše ho etsa hore letšoao la sebata le ba matahanye 'moho, ke ntho e phoso. 'Me batho ba e kenela ka bofou.

⁹² Molimo o behile ntho lefatšeng ho ba lokolla ka eona. Empa ba e hopola e le bohlanya bo bongata. Ha ba e batle. Ba e lelekela kantle. Ba hopola ba tlameha ho etsa ho hong ka eona. Ba tlameha ho rala tsamaiso ea bona. Molimo o se a behile tsamaiso mona, Lentsoe la Oona. Empa ha re batle Hoo. Ka hona re iphihlela kajeno, joaloka bao mohlang oo.

⁹³ 'Me joale, ho bona batho ba lohuoe ho ba joalo... Lemoha, u re... Ke—ke a tseba ke minya nako ea lōna e ngata, empa ha ke batle ho 'na ke sheba ntho eo hobane e a mpherekanya. Le a bona?

⁹⁴ Lipolotiki; joale re nka ho tea mohlala... Ha re etseng mohlala... ho bona haeba batho ba loheletsoe ho hlophisoa ka lihlopha tse tharō—tharō. Ha re nkeng lipolotiki. Ba bang ba chesa ba rata monna. 'Me sehlopha se seng se mo hloile. 'Me sehlopha se seng ha se tsebe se etseng ka eèna; ha ba tsebe na ke lehlakore lefe, 'me e a ba ferekanya.

⁹⁵ Monna *enoa* o itse, "Oh, ke monna e moholo. O tla—o tla re etsetsa Mopresidente ea khabane."

Ebe e *mong* o itse, "Ha se letho ke molotsana feela."

⁹⁶ Ba *emeng-lipakeng* ba itse, "Joale ha ke tsebe na ke etse'ng." Le a bona? Le a bona, re lohiloe joalo. Re entsoe joalo. Bana ba ba batho ba joalo. E ne e tlamehile joalo ho phethisa moruo o moholo oa Molimo. 'Me ho finyella sepheo sa Hae seo A tlang ho se finyella lefatšeng, motho o ne a tlamehile ho lohuoa joalo. E mong o *lōkile*. E mong o *fosahetse*. 'Me e mong o *eme lipakeng* tsa bobeli boo. Esale ho lutse joalo.

⁹⁷ Lemohang, ba etsa seo nako le nako ha ba tsebe... Motho ea emeng lipakeng, ke sebaka se sebe hobane: e mong a ka supa taba, hobaraneng a nahana a nèpile; e mong a ka bontša kamoo a hopolang a fositse; 'me ea emeng lipakeng ha a tsebe letho ka taba eo, ha a tsebe a khelohele kae. 'Me ho joalo le borapeling. Batho ba etsa hona hoo kajeno ka bofello ba bona ba Bosafeleng.

⁹⁸ Joale re tlil'o thonka, motsotsotso feela. Ba sebetsa bofello ba bona ba Bosafeleng joalo. Motho o tla theohela tlase mona nthong ena—nthong ena... ho ja. 'Me ha u ka fumana seokho sejaneng sa sopho, u tla batla ho qosa k'hampani eo kapa reshurento eo. Hobaneng, u ke ke ua batla ho ja sopho eo, e ka ba chefu. U—u—u—u ke ke ua e ja ho hang, moleketla oa lephele kapa ntho e pheheletsoeng le sopho. Khele, u ke ke ua ja ho hang. E tla u kulisa le ho e nahana feela. Empa koana, le lumella mphi ea baithuti ba thutabomolimo ho thesemetsa ntho e tla u khelosetsa limaele tse milione hole le Molimo 'metsong oa lōna,

le ntano e ja ka meharo. Athé, “Motho o tla phela ka Lentsoe le leng le le leng le tsoang molomong oa Molimo.” Ke lehlaahela leo moea oa hao o leketlileng holim'a lihele ka lona. Joaloka ha ke buile pele, “Lehlaahlela le lla ka le leng.” Lehokelo le le leng le khaohang . . . u loketse feela ho khaola le leng la ona; ke phetho. A mang ohle a lokolloa ke lona. Le matla a lekanang lehokelong le fokolang ho fetisa.

⁹⁹ Joale . . . 'Me motho ea tsebang hoba ha u ja sophero e seokho se chefu ho eona, e ka 'na ea u kulisa. U ka tlameha ho ea kokelong, 'me—'me mpa ea hao ea pompuoa 'me ua feta mathata a mangata. 'Me e ka 'na ea u bolaea. Empa, banna! U ka . . . Khele, ha u sa tla etela tulo e joalo. Ha u sa tla sira monyako oo hape, hobane u—u—u tšaba ho tšoatsoa chefu e ka u bolaeang. 'Me athe u tla ikōpanya ruri, ho ngolisa lebitso la hao libukeng, le ho loanela ona morero oo Bibele e o boletseng, “Ha u senye 'mele oa hao, empa e romela moea oa hao liheleng.” Le a bona? Batho ba etsa lintho tse makatsang hakakang. Bao—bao ba se ba . . . Ba nka bofello ba bona ba Bosafeleng, ba bo tšetleha holim'a taba e itseng ea thutabomolimo. 'Me u ka ba hlahisetsa Lengolo, ho re, “Seo Bibele e se buileng ke sena. Ke sena hantle mona.”

¹⁰⁰ 'Me moithuti oa thutabomolimo o a Le sheba, “Be, e ne e etselitsoe letsatsi le leng.” Le a bona? 'Me le a mo mamela. Le bona seo Molimo o se bolelang. Mokreste oa sebele, oa makhonthe o mamela Lentsoe leo feela, 'me ke phetho. Motho oa Molimo o phela ka Bohobe boo.

¹⁰¹ Lemoha, ba bang—ba bang ba lumela Lentsoe. Athé ba bang ba lumela botoloki ba bolumeli ba bona. 'Me ba bang ba teng, ka pherekano ena, ha ba tsebe seo ba ka se lumelang.

¹⁰² Joale ba *bang* ba bona ba itse, “Oh, Mokhatlo oa Likereke tsa Lefatše, e tla ba eona ntho. O tla re tlama bohole ngata e le 'ngoe. Oh, ke eona feela.”

¹⁰³ 'Me ba *bang* ba re, “Khele, ke ea diabolosi! Ke ena mona Lengolong.”

¹⁰⁴ Ebe moo *motho ea sa ipheng nako* ho lula fatše le ho rapela le ho e batlisisa, o itse, “Oh, e lebale.” Uh-huh. E lebale? Ke ntho ea hao . . . eona polelo ea hao, moena, ka maemo a hao, ka lipehelo tseo u itlamang ka tsona, li tla u romela bofellong ba hao ba Bosafeleng teng u tla lula kamehla. U se etse joalo.

¹⁰⁵ Eka khona re lule fatše ha ntho e joalo e hlaha. 'Me potso, joaloka matsatsing a Jesu; mohla ba ttileng, kereke e itse, “Oh, Ke molotsana feela. Ha ho letho ho Eèna.”

¹⁰⁶ Empa e Mong o itse, “Le batlisise Mangolo.” O itse, “Ho Oona le hopola hoba le na le Bophelo Bosafeleng, athe ke Oona a le bolellang hoba Ke Mang.”

¹⁰⁷ Banna ke hona, basali, ba nang le seriti sa Mokreste, kapa ba thahasella bofello ba bona ba Bosafeleng, ba tlameha ho

batlisisa Mangolo le ho bona hoba E ne e le Mang. Potso e ka be e se, “Enoa ke Mang?” Ba ne ba tla re, “Ke Enoa.” Ke eona phapang. Le a bona, ke motho, ba—ba—ba mpa ba sekametse feela ho ba joalo. Ba bang ba reretsoe eona. Ho thata ho rialo, empa ke ’neta. E a e bontša. Le a bona?

¹⁰⁸ Joale, kajeno, ba *bang* ba re, “Ke lumela Lentsoe. Lentsoe ke ’Nete; Lentsoe le leng le le leng la Eona.”

¹⁰⁹ Ba *bang* ba re, “Ah, balisa ba rōna ba tlohile ba ea ithuta mofuta oo oa . . . Ba tseba seo ba ka se buang ka Seo.”

¹¹⁰ E *mong* o itse, “Be, ha ke tsebe. Ke ngolisitse ho *ena*. Ke ne ke sa e rate. Eaba ke tšeleta ka mona ho ingolisa le *ena*. Ha ke—ke tsebe nka ngolisa le efe.” Le a bona? Le mohlang oo ho be ho le joalo, mokhupi o tšoanang. Be esale ho le joalo, ho tloha tšimolohong, ’me ho tla lula ho le joalo.

¹¹¹ Joale ha re nahantiseng ’Nete ea Bibele ea taba ena, le ho bona haeba E lōkile; metsotso e ’maloa feela joale . . . Adama . . . Tšimolohong e qalile ka tsela ena, kamoo re e fihlelang hantle kajeno, ha eso fetohé hanyenyane. *Adama* e ne le “molumeli.” *Satane* e ne e le “mosalumele”; a sa lumele Lentsoe. Eaba o tšoara *Eva*, ea neng “a sa kholiseha” haeba Le ne le lōkile kapa che. Le a bona? *Satane*, mosalumele . . . Molimo o itse, “Mohla le jang mono, le tla shoa mohlang oo.”

¹¹² *Satane* o itse, “Ha e a lōka.” Le a bona, ’me ha a ka a Le lumela. *Adama* o Le lumetse. Ka hona a sebetsana le ea lipakeng. Ba ke ke ba bolela feela . . . a mpa a sa khone ho bolela feela.

¹¹³ Joale, lemohang, mosali mona o emetse kereke ea bolumeli ba kamoso e bitsoang monyaluoa. Ntho eohle e hlahile Genese. Ke peō. Ha u qala Genese; u tla fumana setšoantšo sa hao hantle. Le a bona? Joale, mona, o ne a emetse kereke ea letsatsi la joale hobane ba *bang* ba bua (joale re nka Mapresbeteriene, le Maluthere, le bao bohole ba fihlang, borakhoebo bana le ba joalo), “Re ka rata ho ba le . . . Re batla kolobetso ea Moea o Halalelang. Re—re ka rata ho O fumana.”

¹¹⁴ Na le lemoha letsatsi leo re ka beng re le ho lona? Le a bona? Ho ka etsahala ba se O fumane le ka mohla. Na le a tseba Jesu o itse, “Mohla bao, moroetsana ea robetseng . . . ”?

¹¹⁵ Joale, hopolang, moroetsana ea robetseng o tlie ho batla oli. E ne e koaletsoe kantle eohle. Ha a E fumana. Ha a E fumana le ka mohla. Na le a lemoha hoba Monyaluo a falle, a hloibileloe Leholidimōng, likereke li tla ’na li tsoelapele, batho ba hopole ba ntse ba pholosoa le ntho eohle joalokaha ba entse kamehla. Ho tsoelapele joaloka matsatsing a Nohe. Ba tsoelapele ba e ja, ho noa, le ntho e ’ngoe le e ’ngoe joalokaha ba entse kamehla. Ha ba ka ba e tseba, empa monyako o ne o koetsoe. ’Me ho ka etsahala, metsoalle, monyako o ka koaloa nako efe feela. Mohlomong ho se ho le joalo, ho ka tseba mang. Ha re tsebe.

¹¹⁶ Ho tla kena ba 'maloa feela ba bona. Re tseba seo "Joaloka matsatsing a Nohe (ho bolokehile meeа e robeli), ho tla ba joalo le ho tleng ha Mora motho." Ho tla bolokeha meeа e 'maloa feela. Ha ke re e robeli. E ka ba makholo a robeli kapa... Ha ke—ke tsebe e mekae. Likete tse robeli... Ha ke—ke tsebe. Limilione tse robeli... Ke...

¹¹⁷ Empa le a bona, Monyaluoа a ke ke a boptjoa ke lihlotšoana tse nyenyane tsena feela mona lefatšeng joale. Mehleng ea tebelo ea bosupa, mohla A tlileng, moroetsana bao bohle ba ile ba tsoha ba kuta mabone a bona. Ho khutlela morao koana, e mong le e mong ea lumetseng Lentsoe le tlotsitseng ho theoha le mongoaha, o tlie. Joaloka piramide (karolo e tlase) le ho tla joalo... Empa Lejoesehlooho le ne le tlamehe ho tla tla thonaka ntho eohle ho e fetola e—e piramide. Le a bona, ho e kōpanya 'moho. Joale, Monyaluoа o tla be a bopiloe ke bao ho haola le mengoaha, ba lumetseng 'me ba amohetse Kreste joaloka Mopholosi oa bona.

¹¹⁸ Joale, Eva o ne a sa kholiseha. Adama o 'moleletse, ho re, "Joale, Molimo o boletse, Moratuoа, ho itsoe, 'Mohla u se jang, u shoa tsatsing leo."

¹¹⁹ Empa ba itse... Satane o itse, "Ruri e ke ke ea lōka. U nahana hobane e—e Ntate a ka tšoara bana ba Hae... Boithabiso bo seng bokae feela, ntho e kang eo. Ruri ha E joalo." Le a bona?

¹²⁰ 'Me qetellong a khelohela ho eng? A khelohela ho "ruri." 'Me kereke e etsa hantle joalo kajeno, hantle. "Oh, *ruri*... Re kereke e khōlō. Re batho ba baholo. Re hlotse halelele... Nyee ena eohle eo ba e bitsang bohlanya kantle mona, nyee ena—ena eo ba e bitsang kolobetso ea Moea o Halalelang le sohle, ke bosaoana! Le a bona, hoo... Ha ho ntho e kang eo. Ah, *ruri*... Ke ntša karolo ea leshome. Ke kena kereke. 'Mè oa ka o ile ho... *Ruri Molimo*..." Empa, Molimo o buile ntho e fapaneng, 'me ehlile ho tla ba joalo, ke ho ea ka tatso ea Lentsoe la Oona feela. O boletse seo mongoaha ona oa kereke ea Laodisea o tlang ho ba sona. Ke tšoere buka e ikhethang e tlang ho tsoa, ka eona, kapele feela, ha Morena a ratile, le a bona, ea Laodisea ena, ho supa hobane o se o felile, o se a tiiselitsoe ka mono, 'me Kreste o kantle. Ha ho a thoe O tla khutla hape le ka mohla, le a tseba. Ka hona re e fumana kajeno, ho ntšetsa Lentsoe kantle, esale ho le joalo kamehla.

¹²¹ Joale, lemohang, Moshe, Lentsoe le tlotsitseng... kapa re ka 'mitsa... Ke tšepa le tla utloisia, ha ke re e ne e le Messia. E ne e le Lentsoe le tlotsitseng le neng le baletsoe letsatsi leo. Moshe ehlile bo! Na le lumela seo? Ehlile, lentsoe—lentsoe *Messia* le bolela "motlotsuoа." Le a bona? Joale, Nohe e ne e le *motlotsuoа* oa letsatsi la hae. Abrahama o ne a boletse ho tla hlaha... Batho ba habo ba tla jaka lilemo tse makholo a mane bokhobeng, 'me ba tla ntšoa ke letsoho le matla, le seo a n'a tla se bontša: lipontšo tsa hae le meeka... le—le meloko e neng

e tla latèla, le se neng se tla etsoa. 'Me Moshe a ema mono, *Lentsoe* le *tlotsitsoeng* leo la letsatsi leo. Lebaka leo a na ka kenya letsoho la hae sefubeng. Hobaneng? O ne a eme ka pel'a Sefahleho sa Molimo. Amen! Khanya Shekina e khôlô e mo teetse hare hohle. Khato efe le efe ea hae e emetse Molimo. Ke hona moo kereke e tlamehang e be e eme joale. Hantle! Sebakeng sa hoo, re fpapohetse sefitahlohoaneng sa selo se itseng sa bolumeli.

¹²² Empa Moshe o ne a hutsoe maikutlo, 'me a khelohetse kathoko. 'Me teng Topallo ea Mollo e leketlile sehlahleng seo. 'Me mona Moshe a eme a tlotsitsoe. Ntle le pelaelo monna a sa tsebe le seo a se etsang. Lipapiso tseo a li filoeng mohla a emeng mono a tšoere thupa ea hae ea molisa, le ho tseba hoba leo e tla ba lere nahathote. La fetoha noha, la nto fetoha pheko; noha eo e entse joalo, nahathote. Lintho tsohle tseo a li entseng... E ne e le lipontšo le lipuo tse buang le batho. Le a bona, ntho e 'ngoe e ne e holehane le eëna. 'Me Moshe mohlomong a sa e tsebe ka sebele, empa e ne le Lentsoe le tlotsitsoeng la letsatsi leo. E ne e le Moromuo ea tlotsitsoeng. Ka hona haeba e ne e le Moromuo oa hora eo, e ne e le Messia oa hora eo. E ne e le *motlotsua*.

Joale, eëna, Joshua, le Kalebe, e ne e le balumeli sehlapheng (lemoha) 'me ba lekile ho ruta ba bang 'Nete. Empa le a bona, Satane (Dathane le Kore) ba timelitse ba bang nahathote. Joale, bothata e ne e le bofe?

¹²³ Molimo o na bitsitse Moshe. A sa batle ho ea. Baporofeta bao ba entse lintho tse tjena ho fihlela ba—ba... E ne e le ntho e thata ho etsoa. Ba ne ba sa batle ho tsoa, le ho songoa. Ba ne ba batlike setsoalle le ho kena le ba bang bohole le—le ho ineanya le baena. Empa le a bona, joalo feela ka... ke a lumela... Ke lebala moporofeta eo, ea itseng, "Efèla... ha ke sa batle ho etsa ntho ena," (ka mantsoe a mang) "empa pelō ea ka eohle e tla tuka. Molimo o buile 'me ke tšoanelo ho E hlahaha." Ho re na ba E ratile; ho re ba mo thakhisa; ho re ba mo tlepelitse ka majoe; e ka bang eng eo ba e entseng... Molimo o buile pelōng ea hae, 'me o tlameha ho E bua. E seng ho fapano, empa ho ba le kutlo. "Kutlo e molemo ho sehlabelo; ho mamela, ho feta mafura a lipheleu." Le a bona, E ne le lutse pelōng ea hae. O tšoanelo ho e phethisa. E ne e le Bophelo ba hae. A ke ke a E bipa. Ntho e ne e le teng, ho futha, ho ba chochileng. Ba ke ke ba E hlohonolofatsa kapa ba E rohaka. Molimo o ba laotse ka bottlalo hakaalo ho fihlela E—E ne e le puo ea bona, khato ea bona. Alleluia!

¹²⁴ Mphe Kereke e tlotsitsoeng ka Molimo ka bottlalo hakana ho fihlela khato efe ea bona le motsamao e le HO RIALO MORENA, ho tsamaea kahar'a Khanya ea Shekina eo, ke tla u bontša Messia (motlotsua oa Molimo) ea emeng holim'a lefatše.

¹²⁵ Moshe ke ha a eme pel'a sehlahlha se tukang sena le Khanya ea Shekina. A eme mono, a tlotsitsoe, a batla a sa tsebe le seo a se etsang. A mpa a mametse seo Puo e mo laetseng ho se etsa,

“Sunya letsoho la hao sefubeng sa hao. Le ntše. Nka lere leo. Le fetole noha. Le lahlele fatše hape.” Ho sa tsottelehe seo mang a se buileng, o ne a e etsa.

¹²⁶ Ha thoe, “Morena, mpontše Khanya ea Hao, ’me ke ikemiselitse ho ea Egepeta. Ha ke kheleke ea motho. Ha ke bue hantle. Empa U mpontše Khanya ea Hao feela.” ’Me O ’montsitse Eona. ’Me o theohile a nka tsona lintho tseo, le ho supa hoba e ne e le Messia ea tlotsitsoeng. Monna eo o khile lerole le fatše a le lahlela sebakeng, ’me lintsintsi le matsetse tsa fofa li tsoa leroleng leo, tsa aparela lefatše. Ke hofe ho ka bopang, haese Molimo? Ho kha metsi nokeng ho a tšela lebopong; ’me lerotholi lefe la metsi hohle Egepeta, la fetoha mali. Ke hofe ho ka etsang hoo, haese Molimo? E ne e le eng? O ne a inehetse Lentsoe la Molimo le tlotsitsoeng hakaale ho fihlela e le Messia.

¹²⁷ Baegepeta ba lekile ho Le hanel a ka tsela ena... Bomosalumele ba lekile ho Le hanel a. Baiphei-tumelo ba lekile leano la bona. Empa Lentsoe la Molimo le ba isitse Lefatšeng la Pallo ka kotloloho. Ke hantle. Ba ne ba tlotsitsoe. Ba ne ba... E ne e le Messia.

¹²⁸ Joale potso e hlaha kantle koana nahathote. Ke hona moo e tlisang... Le a bona, joale, ke batla le shebe, baena besō. Joale le hopole, batho bana ba ne ba thabela mahlohonolo a bona. Ba thabela therō ea moporofeta enoa, motlotsuo a enoa. Ba mo lumetse. Ba mo setse morao. Empa eaba ho hlaha nahathote, e mong ka lebitso la—la Dathane, le e mong a bitsoa Kore. ’Me ba itse, “Taba ena e fetohile ea monna a le mong. Moshe o hopola a bitsitsoe ke Molimo a le mong.”

¹²⁹ Molaetsa oo oa monna a le mong, ba sa O batle. Che, ba ne ba sa O batle. ’Me Molimo ha o eso sebetse haese ka motho a le mong ka nako. Kamehla ke Molaetsa oa monna a le mong. Ke neng O kileng oa sebetsa le batho, kantle ho motho a le mong feela? Ke motho ka bomong. Ha se sehlopha. U jere boikarabelo ho Molimo, e mong le e mong oa lōna. U re, “Oh, ke a O lumela.” U mpa feela... Seo u se etsang, u mpa u O rekolo hela feela. U rekolo hela monahano feela.

¹³⁰ Mosali ke enoa o eme mona. Ke mohlankana, ke mothating oa ho nyala. O phethisa litlhoko tsa ka kahohle. Ke Mokreste ea ratehang: o shebeha joaloka eēna, o apara joaloka eēna, o itšoere joaloka eēna, o phela joaloka e mong. Kea lumela e ka ba mosali ea lōkileng. Empa ha se oa ka pele ke mo nka ho ba oa ka.

Le Molaetsa o joalo. U ka O rekolo hela ho re, “O lōkile.” Empa u tlameha ho O nka ka sebele le ho fetoha karolo ea Oona. Uena le Molaetsa le nto ba bang. Ebe tlolo e lutse ho uena, joalokaha e hlotse le ba bang.

¹³¹ Joale, Satane, o ne a sa O lumele. Dathane... O khonne hore Dathane le bona ba se O lumele, ho etsa hore bohole bao ba timele.

Empa u re, "Bea butle motsotsso, Moena Branham, u itse, 'Tharō: Moshe, Joshua le Kalebe.'" Ke hantle haholo. Ke sona se neng se le teng. "Empa mona u re, 'Peli.' U re mona 'Ho ne ho e na le . . .'"

¹³² U re, "Satane ea matla a kaholim'a tlholeho." Empa ho no ho le Molimo o matla a kaholim'a tlholeho, hape, a tlosang borarō bona. Joale, motlotsuoa oa Satane feela. Empa e mong o a tla, e mong o a tla, shebang feela metsotsso e 'maloa. Mona ho fihla temeng, ea bitsoang Balaame. Ke moporofeta morata-chelete; ho thoe ke moporofeta, moporofeta oa bohata.

¹³³ Baporofeta ba mefuta eohle ba teng kamehla. 'Me ba imatahantse le Israele le sehlopha, baporofeta ba bile teng kamehla; bao: lekoeba la sesepa se bonolo, baporofeta ba tlantjellang khoebo, ba khemang 'moho 'me ba batla puo e hlabosang ea khosi, le menehelo, le, ke hantle, joaloka Akabe ea bolokileng makholo a mane a bona, ba apere bohle ka hlōpheho ea bolumeli. 'Me o le boleletse . . . o boleletse e—e—e khosi e khōlō holimo mane, Josafate, ho itsoe, "Khele, ehlile, ke tśoere makholo a mane, bohle ba koetlisitsoe hantle, ke baporofeta ba Baheberu."

¹³⁴ 'Me bohle ba nyolohile ba porofeta. Empa monna eo a bolokile Molimo o lekanang ka ho eēna ho tseba hobane e phoso, ka ha a tsebile Elia a rohakile ntho eo. 'Me ebe Molimo o ka hlohonolofatsa seo O se rohakileng joang? A ke ke a etsa hoo. O itse, "Ha le sa na e mong ho botsa taba tsa hae?"

¹³⁵ A re, "E, u na le e mong kantle mona; Mikea, mora Imla. Empa," ho re, "ke mo hloile." Ho re, "O holim'a rōna ka linako tsohle a nkahlola a mpolella bobe bohle." Ho ka ba joang. . . Tau e purumme. Molimo o na buile. Ke mang ea na ke ke a bolela 'Nete? Athe e ne e le khahlano le Lentsoe la Molimo, o na tlamehile ho rohaka ntho eo. Kamehla ba bile le hona, moporofeta oa bohata. Empa ba bile le ba 'nete kamehla, hape. Le hopole, ba ne ba sa tlala sekolo sohle. E ne e le e mong oa bona. 'Me ho joalo letsatsing lefe. Ho joalo, kajeno.

¹³⁶ Moporofeta oa letsatsi ke Lentsoe lena. Ke hantle. Moporofeta, kajeno, ha se lintho tse fapaneng tsena hohle. . . Moporofeta oa Methodise o teng, moporofeta oa Baptise, moporofeta oa Pentekosta, baporofeta ba mefuta eohle hohle, naha ka bophara. Empa ho sa lutse ho le joalo: Moporofeta oa 'Nete o Mong, eēna maobane, kajeno, le kamehla. Ke hantle. Jesu Kreste! 'Me Ke Lentsoe. Ke hantle. Ke Lentsoe: Lentsoe le tlotsitsoeng la hora.

¹³⁷ Mo lemoheng joale, re sa khatha tema. Re fumana Joshua a na le Kalebe. . . 'Me mona ho hlaho Balaame moporofeta oa mothapuo. A etsa'ng? A hatikela Lentsoe la Molimo le leng le le leng, ka mora ho e bontšoa ke Molimo. O bapisa phutheho ea bolumeli, kajeno. Re tla e taka feela metsotsong e 'maloa;

Dathane, seo a neng a le sona, le seo ba bang bohle ba neng ba le sona. Balaame o ne a taka phutheho ea bolumeli. Motho ea na sa tšoanelā...ea tšoanelang ho tseba hantle ho feta. O e tsebile e fosahetse. Empa a etsa'ng kamorao ho moo? Molimo oa mo lemosa, le joale a parola temoso eo hantle. O ne a hlanyetsa chelete le botumo hore a tle a imatahanye le setlamō sa bona. 'Me le likereke li etsa hoo kajeno, ho hata li kena hantle mono Mokhatlong oa Likereke tsa Lefatše. Athe temoso e 'ngoe le e 'ngoe e phatloha hantle na ha ka bophara, le lipontšo le meeka matsatsing ana a qetelo. Ba kena hantle ho eona leha ho le joalo, kaha ba rata thoriso ea motho ho feta kamoo ba ratang Lentsoe la Molimo.

¹³⁸ Ke na le motsoalle ea lōkileng kantle mane, ea rerang molaetsa oo; Mopentekosta, kantle o bolella batho, ho leka ho teanya kereke 'moho. Ho thoe "re tšoanelā ho kena mona, motsamaong ona oa bolumeli." Khele, ba bang ka ho bona... kereke ea Kreste. Boholo ba malumeli ana ha a lumele tsoalo ea ka moroetsana, le lintho tsena tsohle tse fapaneng, 'me bohle ke litho tsa hoo. Ba babeli ba ka tsamaea 'moho ba sa lumellane? Hape, u itse "Amen" tabeng eo, ke a ipotsa ka ena joale: Ebe motho a ka ipolela joang e le Mokreste 'me a tletse Moea o Halalelang, 'me a latola hore Lentsoe leo ke la maobane, kajeno, le kamehla? Moea o Halalelang ka uena o tla omela Lentsoe leo, Lentsoe le leng le le leng, "Amen. Amen. Amen." Lentsoe ha le bolela taba efe, u re, "Ke 'Nete." Amen! Eona...hoba u lumellane le Lentsoe. U lumellane le Molimo. Uena le Molimo le bang. Molimo o ka ho uena. O mora oa Oona le morali oa Oona, hoo ho u etsa messia oa Oona, Lentsoe le tlotsitsoeng le iphela ka ho uena.

¹³⁹ Lemoha, Balaame o parotse lintho tseo hantle. E ne e le mokhatlo o phethehileng le karabo e phethehileng tatsong ea bona. Ke seo Dathane a se batlileng. Ke seo Kore a se batlileng. Ba ne ba batlile ho e fetola mokhatlo. Ha thoe, "Re na le banna ba halalelang kantle hohle mona."

¹⁴⁰ Ha ke tsotelle batho ba babeli ba tsamaea 'moho ka phetheho e kakang, phapang e teng ho bona. Linko tsa rōna ha li tšoane. Likhatiso tsa menoana ea rōna e metona ha li tšoane. Lintho li ngata ka rōna...Empa koana re ka fepelana mali, esita le ho fihla ho mafahla, 'me a sa ntse a fapané. Ka hona, le a bona, Molimo o kenya motho a le mong feela lefapheng leo, 'me ba bang ba lumela ho seo.

¹⁴¹ O entse motho a le mong, mothong eo ha tsoa batho ba bangata. Joalokaha bohle ba shoa ka ho Adama, bohle ba phela ka ho Kreste. O entse tsela e 'ngoe ea lefu, 'me bao bohle ba hata ba kena ho eona. 'Me O entse tsela ea Bophelo, 'me ba tsamaeang ho eona ba na le Bophelo. Ho tsoa ho Monna a le mong, ha ho shoe banna ba tosene. Banna ba tosene ba ne ba sa tlameha ho etsa sebe. Monna a le mong o entse sebe se le seng. Monna a le mong

o lefile kotlo e tletseng. Ha u sa hloka ho khasa ka mangole, u bitsa bo*Ahe Maria*, le lintho tse ling tsena tsohle tsa mefuta, le ho lebisa tlotla bathong ba shoeleng. Jesu o shoele hore Mpho ea Molimo e tle e tle ho se moputso. O lefile molato ka botlalo. Empa le a bona, re batla ho kenya letsoho re tle re be le seabo ho Eona.

¹⁴² Sheba taba ena joale. Mathaka ana a nyolohile a re, “Be, u leka ho ipeha monna a le mong sehlopheng. U nahana ke uena feela.”

¹⁴³ ‘Me Moshe a khathala ke bona. Ho boela a khutla, ho re, “Ntate...”

¹⁴⁴ A re, “Ikhetho bona. Ke—Ke—Ke...”

¹⁴⁵ “Bohle—bohle ba emelang Molimo, tloong koano.” ‘Me Oa ahlamisa lefatše la ba metsa. Na ho joalo? E nahane feela, moena. Oh, banna! Hobaneng ba sa mo lumela? Hobaneng ba sa lumela hore—hore—hore—hore Moshe enoa e ne e le moetapele eo, oa Molimo? Hobaneng ba batlile ho mo ngangisa? Ho lumaluma le ho ttletha kamehla, athe ba bone letsoho la Molimo le ho tsamaea tlas’ā... ‘Me Moshe... Molimo o no o pakile hore—hore Moshe e ne e le Messia oa Oona ea tlotsitsoeng. Le a bona? ‘Me feela eaba... Le a bona, tlase pelōng ea bona, ba ne ba batla ntho e fapaneng.

¹⁴⁶ Ho etsahetse’ng ka lōna Mapentekosta? Lilemo tse ’maloa tse fetileng le tsoile tšileng eo e bitsoang mokhatlo oa bolumeli, ho fetoha Pentekosta. La batla ke’ng ho khutlela ho oona hape? Lekhapetla le ne le tlameha ho fihla. (Thollo eso fihle, le joale.) Le a bona? Lemohang, ba entse seo hantle feela. E ne e lutse pelōng ea bona. Ba tlameha ho e etsa.

¹⁴⁷ Joale, le a bona, Dathane a fupa mohopolo oa ho bopa borapeli bo boholo ka eona. Le a tseba, esita le moapostola Petrose a na a fupa mohopolo oo holim’ā Thaba Phetolelo. O itse, “Ha re haheng litabernakele tse tharō mona; e ’ngoe ea Moshe, le e ’ngoe ea molao, le e ’ngoe ea baporofeta, e ’ngoe...”

¹⁴⁸ Eare a sa bua, Puo ea theoha, ea re, “Enoa ke Mora oa Ka ea ratoang. Mo utloeng.” Ke mohla ba hetlang, ba bone Jesu feela. Eaba O eme mono. E ne e le Lentsoe. Ke phetho seo u tlamehang ho se utloa, ke Lentsoe leo. Ke Eēna mongoaheng ofe le ofe. Ho bona seo Lentsoe le se bolelang bakeng sa mongoaha oo, le ho shebella Molimo ha o Le tlotsa, le ho tsamaea le Lona. Ke phetho.

¹⁴⁹ Ba latetse Topallo ea Mollo ho ea Lefatšeng la Pallo. Bao ba haotseng tsela eohle ba khonne, ba bang ba timetse. Lemoha, ba batlile Lentsoe le tsoakiloeng le lefatše... la ba etsisa phoso. ‘Me le shebe na e ba entseng. Lentsoe... Ba Le fositse ka ha ba sa batla ho amohela Lentsoe le tlotsitsoeng. Le a bona, u tlameha ho fumana mafosisa... Pele u tlameha ho fumana ntho e sebele,

ho bopa mafosisa ka eona. 'Me ba e fumane mono, 'me Molimo o supile O le sieo ho eona.

¹⁵⁰ Le nahane kamoo Lentsoe le ne le tsebahalitsoe ho bona ka ho phethahala, ka ho nètefaletsoa bona. Sohle seo Moshe a se porofetileng se ne se tla hlaha. Hore o ipilelitse ho bona ho ba isa Lefatšeng lena la Pallo. Sohle seo Moshe a se porofetileng se hlahile, hantle mono. Ha ho Lentsoe la Eona le thisitseng. E tšoanetse e be ebile monyetla o mokakang, ho tseba hobane u tsamaea nahathote... 'Me mono, ka morao... Eitseha ha a bolella Molaetsa, ba tlameha ho O lumela pele. Empa hoba a ba ntšetse mono, ebile Molimo o re, "Ke tla ba kholisa hoba Ke Topallo eo ea Mollo eo u teaneng le eona nahathote."

¹⁵¹ Ebile O re, "Ba phuthe 'moho ba pote thaba." 'Me Oa theohela hlorong ea Thaba Sinai. 'Me Molimo oa qala oa thoathoaretsa.

¹⁵² 'Me batho ba itse, "Molimo o se ke oa bua. Ho mpe ho bue Moshe. E se be..."

¹⁵³ Molimo oa re, "Ha Ke sa tla bua le bona ka tsela ena, empa Ke tla ba hlahisetsa moporofeta ea tla bua ka Lebitso la Ka." Le a bona? Ka hona re fumana e le seo Molimo o se entseng kamehla. Hore'ng ba sa e bona qalong? Ho bona lintho tsena tsohle, ba ntoo lumaluma khahlano le Molaetsa o ba isang Lefatšeng la Pallo; o ba qalileng hantle, le ho ba isa Lefatšeng la Pallo. Empa le joale... ba tlameha ho lumaluma khahlano le Oona. Nahanang, phethahalo eo... kamoo ba neng ba ka tsamaea letsatsi ka leng, ho tsamaea le Morena. Bophelo bo bokakang ho pheloa, hantle nahathote! Nakong ea bosiu... Ho ja manna hoseng, a neleng ka bosiu.

¹⁵⁴ Le a tseba, ba a tloaela ho fihlela ba itse, "Moea oa rōna o tenoa ke Bohobe bona." Le a bona? 'Me ho etsahetse joalo ka rōna. Ke nahana lihlotšoana tseo re... bosebeletsing ba ka bo bonyenyane, sechaba bophara. Ha ba bona lipholiso feela le lintho; esale li le teng. Pholiso; haesale Molimo o ipoloketse phororo ea pholiso nqa e 'ngoe. Esitile A behile e—e—e Lengeloi letšeng ka mohla o mong. 'Me O... lintho tsa mefuta eohle. E—e noha ea borase nahathote. Haesale le fuoe lipapiso tsa pholiso. (Ha se seo ke buang ka sona.) Pholiso ke ntho e le 'ngoe e hulang maikutlo a batho. Motho mang a ka nehela tšebeletsong ea pholiso. Ba ka—ba ka nehela mokete oa 'mino. Empa ha ho fihloa ho moea o timetseng o fumanehileng, ha ba batle ho amana le eona ka letho. Le a bona, na e batla e sa nèpahala? Le a bona? Re fumana ntho e 'ngoe le e 'ngoe... ho fihlela moea o fumanehileng o timetseng. Ha ba batle ho amana le eona ka letho. Ba tla mo khasisa ba mo sunya nthong efe le efe. Ho re, "Be, ho itōketse, ke setho sa kereke. Ha e sitise letho."

¹⁵⁵ Empa joale, re fumana mona... (Ke atamela ho koala ka potlako eo re ka e khonang mona.) Le nahane phethahalo ea

oonaa. Ke sheba tlase e—e matsatsing ao re fetileng ho ona mona lefatšeng. Shebang seo Morena Molimo o se entseng. Ho qala ka lipontšo tse khōlō, le meeka, le mehlolo, re bile ra e thabela eohle. Le ntano sheba . . . Eaba Molaetsa o a e latēla.

¹⁵⁶ Shebang se etsahetseng. Ho tsamaea joalo, u se mong feela, motho a tsamaea le uena. Ho bona lesihla la Mangeloi a theoha Maholimōng, hoa reketlisa lefatše lohle, ho ema mono feela. 'Me ea ngoloa ke lipampiri tsa litaba; athe e lepiloe likhoeli le likhoeli ka pel'a matsoho hore e tla etsahala. Ke eo O eme mono, 'me ha thoe, "Nako e atametse, khutla. Bula Litiiso tse Supileng tsa liphiri tse esale li patiloe mehleng ea lihlabollo le lintho, e hlahise." Eaba ho latēla theroy ea *Peō Ea Noha*, le lintho tsena tsohle ka tsela eo. 'Me tšebeletso ea bolisa e etsa'ng? Sebakeng sa ho bolela . . . "Khele, Luthere o buile *sena kapa hore*." Ba mpa feela . . . Ba ke ke ba e bona le ka mohla. Le a bona? Empa ho rōna ba lumelang ke monyetla o mokakang; ho tsamaea ka pel'a Sefahleho sa Molimo, letsatsi le leng le le leng.

¹⁵⁷ Ho ema mono le ho bona setsokotsane se tsoa sebakeng. Sa phatlola thaba ka lehare, ho ema mono moo re neng re le teng; ho khaola lihloro tsa lifate le lintho tse kang tseo. 'Me Lentsoe la phatloha 'me la sisinya hararō, ha thoe, "E shebe ha e toba Lebopo la Bophirima." Ho fetela koo hantle le ho sisinya Alaska. 'Me e theoha hantle ka Lebopo la Bophirima joale. Hantle feela.

¹⁵⁸ Letsatsi pele ho moo, ka thonaka lejoe 'me ka le lahlela moeeng, le ho re, "HO RIALO MORENA, 'Hora e fihlile, likahlolo li tla qala holim'a lefatše. Lithothomelo tsa lefatše le ntho eohle e tla etsahala. 'Me Lebopo la Bophirima lohle la sisinyeha le lintho tse joalo.'" Shebang kamoo e phethahetseng kateng. Letsatsi ka letsatsi, ntho e 'ngoe le e 'ngoe hantle feela kamoo A e boletseng. Re ka khutla joang, baena? Ha re baballeng tumelo ea rōna ho Oona.

¹⁵⁹ Ba re, "Enoa ke mang?" Re a tseba Ke mang. Ke Jesu Kreste maobane, kajeno, le kamehla, Topallo ea Mollo. Nakong ea Moshe, shebang seo E se entseng; ho bapisa Topallo ea Mollo kajeno. Ke kamehla . . . Hore'ng ba sa lumela Jesu e le Lentsoe? Ba ne ba tšoere botoloki bo phoso le kutloisiso. Joaloka Eva ha a entse, le bona ba e etsa joale.

¹⁶⁰ Mohlang oo Balaame le thuto ea hae e ne e ba lōketse. 'Me e kholisitse tatso ea bona hantle feela. Moketeng, shebang . . . Moketeng oa Bamoabe, le a bona . . . Oh, seo A se buileng. Shebang kamoo e leng setšoantšo sa kajeno, kamoo e bapisang morao koana. (Ke le tšoarella halelele haholo.) Empa shebang, lemohang, nakoana feela, Mokete oa Bamoabe. Le a bona, haeba A sa khona ho ba hlophisa kantle mane ka tsela e 'ngoe, Balaame o khonne, eaba o ba hlophisa 'moho. Haeba a sa khona ho ba rohaka ka sebele sa hae . . . Enereha a eketsa ho rohaka, Molimo o eketse ho hlohonolofatsa. Ho 'na feela . . .

¹⁶¹ Le a bona, ke seo a se entseng Mapentekosta. Ba buile lilemong tse 'maloa tse fetileng, mohla bohle le ne le qala, "Le ne le sa tl'o tsoa tema. Ho ne ho se letho ho lōna. Lōna, le tla cha lore. Le hlabia ea bohlanya feela." Empa nako le nako ha ba leka ho le rohaka, la khutla hantle hape. Molimo oa 'na oa senola Molaetsa oa Oona. Tlase ho tsoa Assembly ea khale, motšeо koana qalang, Lekhotla la Kakaretso. Eaba O e hlahisa mohla ba amohelang Lebitso la Jesu Kreste kolobetsong ea metsi. E mong a qhoma ka mokhoa ona, le e mong ka oane, 'me e mong a fapoha . . . ; ho hlophisa *sena le sane*. Molimo oa 'na oa hlohonolofatsa.

¹⁶² Joale, be, o bone a sitoа ho le rohaka. Le a bona? Ka hona o tla etsa'ng? O tla le hlophisa. Ho le kenya . . . "Oh, bohle re bang le hona." Le a bona? "Bohle re lumela Molimo o tšoanang." Ka hona ke se entsoeng ke Balaame hantle. 'Me na Juda ha a re lemosa sena? Ba khelohile ka tsela ea . . . ka thuto ea Balaame 'me ba timetse ka khang ea Kore. Na e be Juda, moena ea hōtseng le Jesu, ha a re lemosa eona ka Bibeleng? Ba joaloka Kaine, oa koana tšimolohong, mothapuoа. Eèna ea tsamaileng kereke 'me a haha likereke le—le ho haha aletare a hlahisa sehlabelo. Ba tlola ka phoso ea Kaine. Ba matha ka mokhoa oa Balaame, 'me ba timetse ka khanyetso ea Kore. Juda o ala ntho eohle joalokaha re e etsa hoseng hona, mona pel'a lōna, joalokaha esale re etsa. Ntho eohle e robetse mono.

¹⁶³ Ba timetse ka khanyetso ea Kore. E nahaneng feela, e ne e le mpe hakakang. Nahanang feela seo Kore eo . . . Le a bona, o itse, "Joale, bohle re tla nyolohela moketeng. Bohle re bang." Bamoabe ba lumetse Molimo. Ke bana ba morali oa Lota. Le a bona? "Bohle re lumela Molimo o le mong." Ho ea ka motheo, ba ne ba nèpile ka ho phethahala. Le shebe Balaame holimō mane, a tiiselitse motheo hakaalo ka Mobaptise ofe ea lōkileng kapa Mopresbeteriene kajeno. O nyolohetse mono 'me Iseraele e le eo, ea sa hlophisang bolumeli . . . E ne e le sechaba. Iseraele e ne e se sechaba. E ne e le batho lekhatheng leo. Ba ne ba sa batle ho ea ka tsela ea Molimo, kamora nakoana. Ba batlile ho itšoantša le lichaba tse ling. Ke mohla ba hlolehang. Empa ha feela ba batla ho lula le Molimo, ho itōketse.

¹⁶⁴ Balaame o tsoile, a nyarela, ho re, "Be, banna! Ke tseba e mong oa bareri bao ea nyetseng mosali oa monna e mong." Lintho tse ling tsena tsohle, oh ehile, li ne li le ngata. A lebala ho utloa mohoo oa—oa Khosi liahelong. Ha a bona Lefika leo le teiloeng le ka mohla, le noha eo ea borase e fehiloeng mono e le phekó. Ha a lemoha hoba ha ba ikhomathisa mokhatlong ofe. Ba ne ba holehane le Selekanе sa Molimo, 'me ba tsamaea teng. Le a bona? 'Me Balaame o buile, ho latèla motheo, "Nkhaheleng lialetare li supile." Ke seo Jehova a se hlokileng. Ke seo Jehova a se fumaneng mahlakore bobeli. "Ke hantle, rapalatsang manamane a supileng holim'a eona." Ke seo ba ntseng ba se etsa tlase

liahelong tsane. "Holim'a eona le mpehele lipheleu li supile hobane Messia o tla fihla tsatsi le leng." Ke hantle.

¹⁶⁵ Le a bona, ka motheo, bobeli ba ne ba nèpile; ka motheo. Le a bona? Empa tsatsi le leng hoba a bone a sa khone ho mo hloellisa ntho eo, a re, "Ha re ka mpa ra itlhophisa ke hona." 'Me ke hona moo ba entseng phoso ea bona.

¹⁶⁶ 'Me ke hantle moo Pentekosta e entseng phoso ea eona; mohla e ne e khutla e hlrophisa joaloka likereke tsohle. Ha ke sera sa lōna. Ke moena oa lōna. Le leng la matsatsi ana le tla fumana hore ke 'nete. E ka nka nakoana, matsatsi a ka likela ha 'maloa, empa tsatsi le leng le tla bona hobane e lōkile.

¹⁶⁷ Eaba thuto ea Balaame e ba otla hantle feela... E le sona seo ba se batlileng hantle. "Bohle re bang." Le a bona? Ka hona, ke bao ba tloha. Baporofeta ba bona bohle 'me tsohle tsa ba tsamaela hantle. 'Me ba etela mokete, ke bona ba itseng, "'Me bohle re lumela Molimo a le mong. Ha re e lumeleng." Hantle seo ba tla beng ba se batla, hantle feela.

¹⁶⁸ Joale holim'a Methodise le Baptise li batla li sa utloane ka baka la mokhatlo oa bona, empa ha ho fihla mong'a mokhatlo, ho thoe bohle re ka teana 'moho, ho lōkile. "Oh," u re, "Mapentekosta ba ke ke ba e amohela." Ba ke ke? Ba entseng tsatsi le leng Missouri? Le balile lipampiri tsa lōna, ruri. Le a bona? Le ke ke? Che, e seng lōna Mapentekosta, lōna batho; empa ha se lōna, ke 'muso oo holimō mane o le tsamaisang. Ke hlooho e le thintšang. Ke hantle. Le se ke la thinya le eona. Le suthele hole le ntho eo, ke letšaoa la sebata. Le lokolohe ka potlako eo le ka e khonang selong seo. Le a bona? Eo ke ecclesia... Ke hlooho eo ea 'muso e tsamaisang.

¹⁶⁹ Re ka be re sa tloha ra ea koo ho loana le Jeremane kapa ntho efe ea tsena. Hola sena... boralipolotiki ba bang bana ba baholo ba lutseng holimō mona ba sibolla lithunya tse ncha 'me ba qala... Ha ke batle chelete e tsoang... chelete ea mali ka ngoana oa ka, ea tlamehang ho tsoela koo 'me a e shoela. Le a bona? Empa ke seo e leng sona, e etsoa ke lipolotiki. 'Me lefatše lohole le laoloa ke diabolosi. Ke hantle seo Jesu a se buileng. 'Me ha le sa tla lōka ho fihlela Lilemo tse Sekete, mohla Jesu a tlang le ho hapa. Empa joale re fumana mathata ana. (Ho potlaka re tle re qete joale.)

¹⁷⁰ Hantle seo esale se batloa... eona feela ntho. Ke seo ba se batlileng hantle. Tlholo ea Satane Moketeng oa Moabe. O mong oa hae o tla latēla, hape. O ba hlrophisa bohle ka ho tšoana. Bea butle... Hang feela! Le nahane seo ba se entseng feela. Joaloka ho etsahetse. E ne e sa lōkela ho nka lilemo tse khōlō tsa litonana, tse telele, tse tharō kapa tse 'ne ho e rala. Bao... moporofeta oa bohata, monna ea hatiketseng Lentsoe la Molimo... temoso eohle Molimo o e rometseng sechaba ka bophara, le ho ba bolella,

“Tsoang ho eona! Tsoang ho eona! Tsoang ho eona!” Ba hanne.
Ba tla lula hantle mono.

¹⁷¹ Ba nyemotsa Lentsoe la Molimo, ba nyemotsa Mantsoe, ba nyemotsa lipontšo, ho nyemotsa lintho tseo re leng ho tsona. Le ho tsoelapele hantle, “Re tla ba le oona ka ho tšoana. Re tšeleta koana hantle. Re tlameha ho o fumana. Ke phetho. Bohle re bang.” Na le bona bothoto ba diabolosi? Ba entse joalo Moketeng oa Nicaea, mane Nicaea, Roma. Ba e fetotse mokhatlo, ‘me ke se etsahetseng. Satane o na tšoere Mokete oa Nicaea. Oh, banna! ‘Me ho tloha mohlang oo... Mamela, ke tlil’o bua lentsoe le leholo le matla mona joale. ‘Me lōna ba teiping le batlang ho pheha khang ka eona, u ka pheha khang u le mong, le histori, le Bibebe, le a bona, empa e seng le ’na.

¹⁷² Mamela! Nako le nako ha Molimo o roma moromuo ‘me a qala Molaetsa... ‘Me enereha kerek eo, enereha sehlopha seo sa batho se fetoha mokete oa bolumeli bo hlophiloeng... Ke hona moo ba e etsang. Lōna Assemblies le e entse mono. Lōna Oneness le e entse moo. Lōna ba bang le e entse mono, moketeng oa lōna oa bolumeli bo hlophiloeng, ho itahlela hantle morao nthong eo Molimo o e rohakileng ho tloha qalong. Ke ‘Nete hantle. Nako efe ha kerek e ne e tšoara tsoselatso... Nakong ea Luthere, e ntano ba... Ho etsahetseng? Bamethodise... ho theoha le mengoaha hohle... Zwingli, Finley, Finney, ba bang bohle ba bona, enereha ba fuoa tsoselatso, ba entseng ka eona? Ho e lahlela hantle moketeng oa bolumeli bo hlophiloeng, le ho hahaba le ba bang bohle, ho le tlapisa joaloka ba bang bohle. Ke moo le iphumanang le laoloa ke sehlopha sa banna. Moea o Halalelang ha o khone ho tsoelapele. Ke hantle. U qala u rera seo Bibebe e se rutang, joaloka eona, ‘me mokhatlo oa bolumeli ha o e lumele; ba u ntša hantle. E leke hang u bone haeba e le ‘nete kapa che. U tla bona hobane ke ‘Nete. Le a bona, moketeng oa mokhatlo oa bolumeli khafetsa ha ba biletsoa teng, moketeng oo oa Balaame, mathata a kena. Oh, Luther, Wesley, Pentekosta, le bao bohle ke liphofu tsa oona.

¹⁷³ Lemoha, e ne e le lekhatheng leo, allelua, ha Moshe a qatsoha a re, “Ke mang ea emelang ‘na le Molimo?” Amen! Ke hona ha Molevi a na a tsomula sabole ea hae a haola liahelong a bolaea sohle se amanang le eona. Amen! ‘Ntho e ‘ngoe le e ‘ngoe; monna e mong le e mong ea nang le mosali oa Moabe, ba ba bolaea bobeli. Joale hora e tlie. Monna eo o kae? Bara ba Aarone ba kae, boprista bo itseng bo ikemiseltseng ho tsomula Lentsoe la Molimo, Sabole ena e leolitsoeng nqa tse peli? Ho re, “Ke mang ea emelang ‘na le Molimo?” O kae? O ka mema, ho mema empa ha ho motho ea arabelang. Le bona seo ke se bolelang? Ha re e fumane. Re mpa feela... Phoso e teng. Lemohang, e ne e le bao... Ke lekhatheng leo ha Moshe a ema ‘me a bua lintho tsena.

¹⁷⁴ Lemoha, sebe sa bona, seo ba se entseng mono, mohla ba iketsang mokhatlo oa bolumeli le Moabe le ho ba etsa ‘mele o

le mong . . . Sebe seo ha ba se tšoareloa le ka mohla. Ke tla sesisa holim'a eona motsotsa feela. (Nako e phirimile, empa motsotsa feela.) Sebe sa bona ha ba ka ba se tšoareloa le ka mohla. Ha ho le a mong oa bona ea finyeletseng Lefatše la Pallo. Jesu o itse, ho . . . Ntšoarele. Santa Johanne 6, Jesu o boletse; ho Santa Johanne 6, mohla ba itseng, "Bontata rōna ba jele manna nahathote" . . . E ne e le Mapentekosta. Moena, ba jele manna, ba tšoere ntho ea sebele.

¹⁷⁵ Jesu o itse, "'Me bao, e mong le e mong, o shoele. Ba timetse. Ba arohane ka Bosafeleng." Ha ba ka ba tšoareloa sebe sa bona. Ba ile ba etsang? Ba robile selekane sa bona le Molimo, 'me ba hlophisa le Balaame, moporofeta oa mothapuoa ea sa nkang temoso ea Molimo; a sa batle ho nka Lentsoe la Molimo; a sa batle ho nka letho la Molimo. Empa a ikemiselitse ho ba teanya bohle ba be bang. Na le bona bothoto? Nka lula nako e telele, empa ke—ke a kholoa le e tšoere. Le a bona? Lemoha, ha ba ka ba tšoareloa sebe sa bona; ha ho le a mong ea phetseng tlas'a mahlohonolo ao 'me a ja manna le ntho eohle.

¹⁷⁶ Mohla Molaetsa oa mannete, le oa sebele o fihlelang makhaolakhang, ba o hlophisitse. "Re tla ikōpanya le Bamoabe 'moho. Ke mokhatlo o moholo, sechaba se seholo. Ebile ha re . . . Ebile ha re sechaba. Re tla nyallana feela 'me—'me re tla itōkela. Re tla lula le bona." "Me ha e a ka ea tšoareloa; le ka mohla, ha e a tšoareloa bona le ka mohla.

¹⁷⁷ Jesu o itse, "Bao ba, e mong le e mong, *shoele*." Fetolela lentsoe leo ka Seheberu kapa Segerike, efe feela, kapa esita le ka Senyesemané, le bolela "karohano ea Bosafeleng"; ba timetse kamehla. Ke hantle.

¹⁷⁸ Oh, e, ba bone mehlolo. Ba bone Lentsoe le tlotsitssoeng. Ba jele manna a theohileng Leholimōng. Ba thabela mahlohonolo a pheko. Ba bone Lefika le teiloeng le nehela metsi a Lona. Ba noele ho Lona. Ba iketsa setlama le Lona. Empa mabapi le ho roba Lentsoe leo . . . Le se e lebale le ka mohla! Mohla Jesu a na a re, "'Na le Ntate oa Ka re bang," ha ho a thoe ba bararō. Huh? Mohla metheo e meng ena e meholo ea Lengolo . . .

¹⁷⁹ Monna o tlide ho 'na bosiu bo bong ho mpontša moo ke fositseng, kapa ho qoqa ka botrintase. Ke na le metsoalle e likete ea botrintase. Ba kahar'a Babilona eo. Ke na e metsoalle e lōkileng e mengata ea Onenes kahar'a Babilona eo, hape. Le a bona? Empa ho etsahetseng? O itse, "Ke polelo, Moena Branham. Na u lumela triniti?"

¹⁸⁰ Ka re, "Ehlide." Ka re, "Ke tla nka lentsoe la hao: polelo." Ka re, "U e lumela joang?"

A re, "Ke lumela ho Molimo o le mong."

Ke re, "U etsa hantle." Le a bona?

A re, “Ke lumela ho na le Molimo o le mong, ka baperesone ba bararo Bomolimong.”

Ka re, “Na ha u—u moithuti oa BIOLA?”

A re, “E.”

¹⁸¹ Ka re, “E utloahala joalo.” Ka re, “Polelo eo ha e thoholetse thuto ea hao.” Ka re, “Baperesone ba bararō, le Molimo o le mong?” Ka re, “Ho latèla Webster, mono, eka khona e be botho pele e ka ba moperesone. U lumela melimo e merarō, monghali.” U ke ke ua ba moperesone o se botho, hoba ho qosa botho ho etsa moperesone.

¹⁸² Ka hona ba re . . . A re, “Be, Mongh. Branham, u a tseba, esita le e—e baithuti ba thutabomolimo ha ba khone ho e hlalosa.”

¹⁸³ Ka re, “Ke hantle haholo. Lentsoe ha le tlele moithuti oa thutabomolimo.” Uh-huh. Ka re, “Bibele e tlameletsoe ho Tšenolo, ‘Holin’ a lejoe lena Ke tla haha Kereke ea Ka, ‘me likhoro tsa lihele li ke ke tsa E hlola.’” Le a bona? Amen, ke moo he. Le a bona? Empa ha ho fihloa linthong tseo . . . Oh, banna!

¹⁸⁴ Joale re batla ho potlaka le ho koala kapele ha re khona. Ke tlameha ho tlola Mangolo a mang ana le linoutšu, le a bona. Joale, lemoha, ha ba tšoareloa seo ba se entseng. Ba ile ba etsa’ng? Ba natefetsoe ke mahlohonolo. Se lebale hoo. Ke tla e phetha hape. Ha ba ka ba e tšoareloa. Hopola, teipi ena e pota lefatše. Le a bona? E letsoa liahelong Afrika, India, lefatše lohle ho pota; e fetoleloa lipuong tse fapaneng; le liahelong tse fapaneng, libakeng tse fapaneng. Sebe seo ha se a ka sa tšoareloa. Eng? Bao . . .

¹⁸⁵ U re, “Be, ho bokoe Molimo, ke—ke entse sena. Ke—ke—ke entse sena. Ke jele manna a Leholidō. Ke . . .”

¹⁸⁶ Yaa, le bona, ba entse hoo. ’Me Jesu o itse, “Bao, e mong le e mong, ba shoele.” Empa ha ho fihloa Molaetseng o nèpahetseng, moo, ha ba tšoanelo ho roba Selekan seo, ka sechaba se seng. Molimo e ne e le mokhethollí ‘me O ne o khetholotse batho bao, ‘me ba sa tšoanelo ho amana le letho le sele, ho nyallana le mang. ’Me ntho ea sebele, Kereke ea makhonthe le Monyaluoa oa Kreste, o holehane le Kreste e leng Lentsoe. ’Me ha u nyallane le mokhatlo ofe, phutheho efe ea bolumeli. U lule hantle le Kreste le Lentsoe leo, u le motho ka bomong. Ho e etsa ke karohano ea Bosafeleng hole le Molimo. Ke tšepa e mong le e mong a e tšoara.

¹⁸⁷ Joale, mohlolitherong oa rōna, Mokete oa Paseka o ne o le haufi; o tsoelapele. E ne e le nako e tšabehang. Batho ba robetse kantle ho likhoro. Paseka e ’ngoe le e ’ngoe e entse sena. Ba le kantle ba paqame litšeng. Matlophapohelo a tletse le sohle. E ne e le paseka. Litebello li le khōlō mono. Sebaka se kasa-kasa kahohle. (Joale, ke tla be ke tsoile metsotsong e ka bang mehlano, ha Morena a ratile, kapa e leshome.) Motho mang le mang a futha.

¹⁸⁸ Sheba, mono ho fumanoa lihlopha tse tharō tsa batho. Le a bona, tebello e le khōlō. Ba tsebile monna ea mohlololo enoa a tla nyolohela moketeng ona. Ba bang ba Mo *ratile*; ba Mo lumetse. Ba bang ba bona Mo *hloile*; boholo ba bona bo Mo hloile. 'Me kahobane e mong a Mo ratile le e mong a Mo hloile, motho ea lipakeng *a sa tsebe* seo a ka se etsang. Le a bona? Ba sa tsebe. Lemoha, sebaka se kasa-kasa litebello. E mong o itse, "Ha A fihla holimō mane, ke a u bolella re tla Mo bitsa . . . Re tla Mo hlahloba ka Lentsoe. Re tla Mo emisa holimō mono pel'a moprista e moholo. Re tla qholotsa bohlale ba Hae khahlano le Kaiafa." O ne a se a ile a kholisa hoo. Le a bona?

¹⁸⁹ "Empa re tla etsa sena: Re tla bona . . . Ke a tseba baetapele ba bang ba baholo ba tla Mo tšoara. Moshaana, ba tla hlanolela thaka leo kahare e be kantle. Ba tla Mo tsebisa seo A leng sona, ha ba ka qala ba hlophana le baprista ba rōna. Moshaana, ba tseba seo ba se etsang. Ke banna ba masene. Ba tseba seo ba se etsang."

¹⁹⁰ Ba bang ba itse, "Ke ipotsa seo ba tlang ho se etsa ka mothaka eo le hona."

¹⁹¹ Ba bang ba itse, "Oh, ke Mo emetse ho fihla. Molimo o na le Eèna. Ke Lentsoe leo. Oh, ke mpa feela—ke mpa feela ke batla ho Mo bona." Le a bona? Oh, ba ne ba arohane. Joale, le a bona, ba Mo tsebileng 'me ba lumetse ho Eèna, ba tsebile hore ba eme khorong efe. Le a bona? Ba tsebile O tla hlaha ka tsela efe. Tebello e khōlō, empa le a tseba, ha se ba bangata ba Mo boneng. Le a bona, ba bangata ha ba Mo bona. Ho a tšoana le kajeno.

¹⁹² Ba bang ba bona ba itse, "Ke monna ea lōkileng. Oh, ha ho letho le phoso ka Eèna. Joaloka Napoleone, Washington, e ne e le monna ea lōkileng. Empa, oh, joaloka moruti, che, che."

¹⁹³ Ba bang ba bona ba itse, "Oh, Ke monna ea lōkileng. Oh, O a—O mpa a lubakane feela, ke phetho. Ke thaka le lōkileng. Ha ho mang ea ka buang letho le lebe ka Eèna."

¹⁹⁴ Ba bang ba itse, "Che, Ke—Ke diabolosi. Nka u bolella hore nyee eo—eo mono ea ho bala mohopolo le nyee e 'ngoe ena eohle, 'me hoo ke—hoo ke boporofeta ba bohata. E khahlano le sehломатисо sa rōna. Le se lumele ntho e kang eo."

¹⁹⁵ 'Me e mong, o itse, "Khanya ho Molimo, Ke Molimo. Ke a Mo tseba. Ke a bona." 'Me ba ne ba shebeletse. Joale le kajeno re ema ka tsela eo, empa ntho e tšoanang: Lentsoe le tlotselitsoeng hora ena; Mongoaha oa Kereke ea Laodisea.

¹⁹⁶ Joale re tla koala ka ho bua sena. (Nakoana feela.) Lihlopha tse tharō li Mo emetse. Le kajeno ho a tšoana, ke hantle, tse tharō. Lemoha, balumeli ba hooletsa. Le a bona? Le a bona? Bosebeletsi ba Hae bo Mo ratisitse ka ba bang, ho hlouoa ke ba bang, le ho belaeloa ke sehlopha se seng. Le a bona? Bosebeletsi ba Hae . . . E reng ke e qotse hape. Bosebeletsi ba Hae, e leng hore e ne e le eng . . . Re a tseba joale, E ne e le Lentsoe. Empa

bosebeletsi ba Hae bo Mo ratisitse ka batho ba bang. Ba ne ba reretsoe ho etsa hoo. Le a bona, ba bo lumetse. Ba bo bone. Ho sa hhole ho ena le letho . . . Mohla Nathanaele a nyolohetseng mono, 'me—'me A 'molella seo a se entseng *joalo*, o itse, "Rabbi, U Mora Molimo. U Khosi ea Iseraele, ha ho potso kelellong ea ka."

¹⁹⁷ Simone o na eme mono, ho re, "Oh, Andreathe, ha ke ee koo. Ke utloile nyee eo eohle pele."

¹⁹⁸ "Empa," Andreathe, "u tlameha ho tla. U tlameha ho tla, tloo le 'na hang feela."

¹⁹⁹ 'Me eare A sa lutse mono, Jesu a 'mona a nyoloha, le a tseba, ho nyoloha. Ha thoe, "Lebitso la hao u Simone. U mora Jonase." Potso e sa hhole e le teng. Le a bona, e le phetho se leng teng. Ba ne ba le teng mono. Ba e lumetse. Ba e bone. Ba tsebile e le seo Messia a tlamehang ho se etsa ha A fihra.

²⁰⁰ E ka khona e be Moporofeta, hoba Moshe o boletse, "E tla ba Moporofeta." 'Me babelaeli bao ba hutse lilemo tse makholo a mane ba se na moporofeta, e qositse moporofeta ho e otolla, kamehla mongoaheng o mong le o mong. 'Me mona O ne a eme mono.

²⁰¹ Ho ne ho se potso ho bona. Ba ne ba eme mono ba tšoere lipalema letsohong la bona, "O tla fihra ka mora nakoana." Ho shebella!

²⁰² Motse ohle, o tsitsipane. Ba itse, "Sehlopha sa mahlanya se phuthehile kantle mane khorong."

²⁰³ E mong o itse, "Ke a ipotsa O tla etsa'ng ha A fihra holimō mona. Le a tseba, ke—ke lumela ruri hoba Ke moqhekanyetsi. Ke lumela A tšoere leoto la pela leo A le höhlang tsebeng ea Hae, le a tseba, kapa ntho e kang eo, le a tseba."

²⁰⁴ Le joaloka ha ba bua kajeno, "Oh, e batla e le ho bala mohopolu ha mofuta. Ke—ke ntho e itseng . . ." Ba khona ho e hlakola ka tlhaloso ea mantsoe.

²⁰⁵ E mong o itse, "Ke liabolosi. Le sale mose o koano oa motse. Le se ke la amana le eona ka letho. Le se ke la tšehtsa kōpano eo. Le se ke la theohela tlase mane, le a bona. Re ke ke ra amana le eona ka letho." Lihlopha tse tharō tsa batho.

²⁰⁶ Joale sheba. Joale mona O kena motseng a kaletse. Hantle feela seo Lentsoe le boletseng A tla se etsa. A kaletse tonki e nyenyane, a kena motseng. Bao ba sa shebang sehlorathiso, ba sa sheba Tempele, ba sa sheba lintho tse ling tseo tsohle, ba sa sheba baprista, seo ba se buileng. Ba lumetseng ho Eēna, ba eme mono ba tšoere palema letsohong la bona. Ho emela khato ea pele feela. Ha le a ba utloa ba re, "Ke mang enoa ea tlang?" Oh, che! Ba tsebile Ea neng a tla tla. Ba tseba seo Lentsoe le se buileng. Le a bona? 'Me sehlopha se seng, na le a bona morao motseng? 'Me hoba ba utloe lerata lena: "Hosanna ho Khosi! Hosanna ho

Khosí e tlang ka Lebitso la Morena. Hosanna! Hosanna!” Le litlatse tsohle!

²⁰⁷ Baprista ba mathela kantle ho bona letomotomo lena la bolumeli. ‘Me batho ba itse, “Enoa ke mang?” Ba ne ba batlang mono, metsoalle? Mokete oa borapeli! Ona Molimo o ba laetseng ho khetha Mokete ona, o ba boleletse A tla fihla mono ka tsela eo feela, ‘me ba hooelelitse, “Ke mang?”

²⁰⁸ Nako ha eso fetohé. Batho ba raliloe joaloka bao mohlang oo. Baheberu 13:8 e itse, “Eèna maobane, kajeno le kamehla.” Joale ke tla koala ka ho bua sena: Ho bona haesale potso. Ba botsitse, “Ke mang na?” Empa ka 1964, potso ke: “Le re enoa Ke mang?” Hona hohle ho bolelang? Le kile la ema la batlisisa Mangolo na? Le nahana Enoa ke mang na? Na ke bokhoni ba ho bala mohopolo? Na ke ntho e hlaha e tsoang nahathote koana nqa e ‘ngoe, joaloka ha ba buile, “Johanne e ne e le motho, ea hlaha, a khamisa batho metsi kantle mane.” Athé, Esaia o boletse a tla hlaha, pulamaliboho. Malakia o ‘moletse a tla fihla mona hantle feela. Baporofeta bao ba itse, “Moporofeta enoa o tla hlaha hantle mono ho e etella pele.” ‘Me e ne e le enoa.

²⁰⁹ Ba itse, “Ke monna ea hlaha eo. Le emelle hole le eèna. Le a bona? Le se amane le eèna ka letho.” ‘Me Messia ke enoa a tla, hantle ho latela polelo ea Lengolo, “Ho itsoe O tla kena motseng a kaletse petsana ea ese. O mosa o ikokobelitse, o kaletse petsana ea ese, o kena motseng, Mangolo a tle a phethisoe.” ‘Me batho ke bana ba eme moketeng oa borapeli hape, joaloka Balaame, moketeng oa borapeli, ba re, “Enoa ke mang?”

²¹⁰ ‘Me kajeno, Mangolo a tsepisitse horeng ena, metsoalle, E phethiloe hantle lipakeng tsa rôna, hora ka morao ho hora. Le nahana Ke mang na? Ha re balisiseng ka Eona re sa inamisa lihlooho tsa rôna.

²¹¹ Molimo o ratehang, bohole re nahana ka botebo, re lomahantse meno, hobane re tsoanelo ho etsa sena. E matsohong a rôna, Morena. Re a U bona, Khosi e khôlô. Re bona tsepiso ea Hao ea Lentsoe. Esale re shebeletse sena lilemo, ho fihla ha nako e khôlô ena, eo re phelang ho eona hona joale. Re bona Lentsoe la Hao le tlotsitsoeng ka ho batho ba Hao, Le iphelela, hantle seo U boletseng se tla hlaha. Re bona seholopha sa Satane se tlotsitsoe kantle mane. ‘Me re E bapitisitse sechaba bophara, ho ea morao le pele Lentsoeng, ho se be lejoe le sa phikolosoang. Ha ke tsebe bao U ba reretseng bophelo, Morena. Ha se mosebetsi oa ka ho tseba seo, ke mosebetsi oa Hao. Empa mosebetsi oa ka ke ho tlosa lejoe ka leng. Molimo nthuse, thusa banma ba bang ba e lumelang. Tlosa lejoe ka leng, Morena, ho se be le letho leo U le rerileng haese ba tlang ho e utloa.

²¹² Re batla ho bona ho khutla ha Hao, hantle molokong oa rôna, Morena. Re a e lumela. Re lumela ho—ho na le Labohlano le leng la Lipalema; Labohlano le Molemo le Labohlano la Lipalema le

tsoeletseng. Thakhiso ho Kereke ea Hao, empa ke tlholo ea rōna ha U kena u kaletse.

²¹³ Re a rapela, Molimo, hore U tla hlohonolofatsa, kajeno, batho ba Hao. Hlohonolofatsa kerekana ena. Hlohonolofatsa molisa ea ratehang enoa le mora oa hae mona, Moena Outlaw le—le mora oa hae; bobeli boo Jimmy Sr. le Jr. Hlohonolofatsa e mong le e mong ea leng ka mona.

²¹⁴ Molimo, le ka mohla re se tle mona hoseng hona... E re 'na... Ha ke a khanna ke tsoa Tucson feels ho feels... Hola ke fumane monyetla oa ho bua le batho ba itseng, Morena, e—e ne e se ho—ho tlotsila letho haese Motha enoa, eo batho ba ipotsang ka eèna na ke mang. Ba tseba motho a ke ke a etsa sena. Ba tseba e le taba e sitang motho ho tseba lintho tsena. Empa batho ba re, "Ke eng?"

²¹⁵ Morena, re a tseba Ke Uena. Ke Jesu Kreste, ka motho eo Moea o Halalelang. Ke Moea o Halalelang. "Ke tsoa ho Molimo. Ke ea ho Molimo." 'Me re bona Topallo ea Mollo e khôlô har'a rōna, Morena, joalokaha ba entse karolong e qalang Bibebe 'moho le Moshe. Re E bone mahareng a Bibebe mohla Pauluse tseleng ea hae ea Damaseka. Re a E bona. Joale ke rōna bana re E bona nakong ea bofelo hape. Tse tharō ke paki. Esale e le Molaetsa nako le nako.

²¹⁶ Molimo, banna le basali ba se hlole ba tiisetsa meetlo le lihlomathiso. Empa ba tsoe nthong eo, ba nehe Molimo maphelo a bona ka bottlalo le ho lumela; e seng ho tsepa mohopolo le lintho tsa motho, empa ho tsepa Molimo o Phelang. Nakong eo matsatsi ana a phomolo a tsoeletseng, le joale mohoo ke: "Enoa ke mang? Ke eng? Hona hohle ho bolela'ng?" Batho ba barapeli ba rialo. 'Me E sa le eèna Morena Jesu, ea entsoeng nama bathong ba Hae, ho tlotsa Lentsoe la Hae bakeng sa Monyaluoa. 'Me ha ba E utloisise. Ba tabohile kahohle Laodisea, le joale ha ba tsebe sohle mabapi le Lona. Empa moporofeta o boletse, "Leseli le tla chaba mantsiboea." Ka hona joale, re E shebeletse, Morena. Tloo, Morena, hlohonolofatsa e mong le e mong.

²¹⁷ Ka lihlooho tsa lōna tse inamisitsoeng joale, le lipelō tsa lōna. Na le lumela sena e le 'Nete? Le etsa joalo? Phahamisa letsoho la hao, u re, "Ke hlile ke e lumela le e 'Nete, re phela matsatsing a qetelo. Re mona joale 'me ke lumela re tshophiloe hakaale..." Le ne le etetse kópano tsatsi le leng, mohla koro, tlhaka... Le a lemoha, ha re eso be le mokhatlo o salang sena morao. Ke hlotse mona le molisa oa lōna ka linako tsohle, selemo se thoasang le se likelang. Ka tloaelo, lilemo tse peli kapa tse tharō 'me e hlophisisitse. Ha e a hlophisa khetlo lena. E ke ke ea khona. Lekhapetla le ikuhutse ho Eona, empa ha ho khatelopele e 'ngoe. Koro, bosebeletsi bo khutlile joaloka ba tshimolohong. Ke Jesu Kreste har'a rōna, motsoalle. E seng motho, empa Monna Kreste

Jesu ea phelang ka ho lōna, ho batla ho ba karolo ka ho uena, le uena u be karolo ea Hae. Na u ke ke ua Mo amohele kajeno?

²¹⁸ Na u teng mona ea eso amohele kolobetso ea Moea, le joale? Joale u re, "Moena Branham, ke a u bolella, nkile ka hooeletsa." Ke hantle haholo. "Ke buile ka lipuo hang." Ke botle, le hona. Empa le joale ha se seo ke buang ka sona. U ka hooeletsa joang 'me ua bua ka lipuo 'me ua hana Lentsoe? Bopaki ba Moea o Halalelang ke ho amohele Lentsoe la Oona. Ho bile joalo mongoaheng ka mong haeba u ka amohele Lentsoe. Baprista bao ba ne ba siile Jesu ka limilione tsa limaеle ha re bua ka litholoana tsa Moea: mosa, le khotso, le bonolo, le boikokobetso. O qhaqhile likereke, a ba phethola; a harolaka batho, a ba bitsa "linoha tsa joang" le sohle. Le a bona? Empa E ne e le Lentsoe leo. E ne e le Lentsoe leo. Ke eona: lumela Molimo. Molimo ke Lentsoe. Le lumele.

²¹⁹ Ha u eso amohele kolobetso ea Mokreste le joale, letša le teng mona. U eso amohele Moea o Halalelang oa mannete le joale, o u tsebisang hobane Lentsoe la Molimo ka leng ke 'Nete; u re, "amen" ho Lona le ho Le lumela ka pelō eohle ea hao, ke moo u ka E amoheolang hoseng hona. 'Me u ke ke ua ipotsa na enoa ke Mang ea etsang batho ba itšoare ka mokhoa oa bona. U tla tseba na Ke eng. Ha u se na boiphihlelo boo, na u ka re, "Moena Branham, nkhopole thapeleng ea hao, 'me ke tla phahamisa letsoho la ka"? 'Me u re, "'Me ke tla—ke tla..." Molimo a u hlohonolofatse. Molimo a u hlohonolofatse, uena, uena. Molimo a u hlohonolofatse, ke botle. Molimo a u hlohonolofatse, botle.

²²⁰ Oho Molimo, e re 'mino o sa letsoa hamonate... Oh, O a babatseha! Ehlide. "Moeletsi, Khosana ea Khotso, Molimo o Matla, Rabosafeleng." Ke U rapela ho neha batho bana, Morena. Nka rapela feela. Ke phetho seo ke tsebang ho se etsa, ke ho ba kōpela. Ba phahamisitse matsoho a bona. Ke etsa ka tsepiso ea ka ho bona, ke U rapela ho ba neha boiphihlelo bo boholo bona; e seng feela maikutlo a pala a mofuta, empa boiphihlelo ba sebele; ho teana le Molimo joaloka Moshe ha a entse mono mabaleng kahar'a Khanya ea Shekina; 'me e seng mono feela, empa ho se furalle Lentsoe leo le ka mohla, ho tsamaea ho ea kena hantle Lefatšeng la Pallo ka Lona. Molimo, e abele e mong le e mong, hoseng hona.

²²¹ Maloetse a teng har'a rōna kajeno, Molimo. Re U rapela ho folisa hoo. Folisa motho e mong le e mong ea kulang, e mong le e mong ea hlokang. Aba sena, Morena. Ke ba Hao joale. Ke U nehela bona ka Lebitso la Jesu. Amen.

²²² Ke masoabi, ke qetile lihora tse peli hantle holimō mona. Empa shebang, le fuoe mantsiboea ohle. Le ka ea lapeng la hlasimoloha la khaleha nakoana. Empa le se lebale seo ke le boleletseng sona. Ke le boleletse ho tsoa pelōng ea ka. Ke a tseba e utloahala e makatsa. Lilemo tse 'maloa tse fetileng ke

kene Phoenix mona le lōna batho, ho folisa bakuli ka thapelo ea tumelo. Ha ke eso e hhalose le ka mohla, ke ne ke sa batle ho e hhalosa. Ka mpa ka shebella le ho bona seo batho ba tla se etsa, ho shebella baiphehi le lintho tse hlahang. Ho e shebella ebile ntho e khōlō ho 'na.

²²³ Empa joale, ke tla ho lōna ka Molaetsa o nètefalitsoeng ke pontšo eo. Ebe kereke e entse... Che, ha e a hlophisa bolumeli. Empa ho etsahetse'ng ka mekhatlo ea bolumeli mehleng ea tsoselotso ena? Ba ile ba etsang? Ba sohlometse Laodisea ka kotloloho. Limilione le limilione, le dibilione tsa didolara tsa phallela ka ho eona, 'me feela... 'me e khōlō 'me e ruile 'me e haha litša tse jang limilione tsa didolara le lintho tse kang tseo. 'Me haele ho amohela Molaetsa? Che lekhale. Ba O furalla. Ke eng? Lekhapetla le hole le koro. Joale koro e tlameha ho ba joalo, ho robala Pontšeng ea Mora ho phikolohela Evangeling e tletseng, thollo e sootho ho Monghali. Na le ke ke la O lumela? Enoa ke Mang, le hona? Ke Mang? Na E ka ba motho? Na E ka ba kereke? Na E ka ba mokhatlo oa bolumeli? Ke Jesu Kreste, maobane, kajeno, le kamehla. Na le a Mo lumela?

²²⁴ Ke a ipotsa joale, thorisonyana feela ka mora Molaetsa o hlabang joalo,... Khaitseli, ho ka ba joang ha u ka re fa e—e—e lehlaso, 'moho le k'hoaere e nyenyane mona, ka *Ke a Mo Rata*. Na le tseba sefela sa khale?

Ke a Mo rata, ke a Mo rata
Hoba A nthatile pele,
Le ho lefella poloko ea ka
Kalvari e batang, e lefifi.

²²⁵ Na le tla se bina le 'na? Lōna bohle joale, thorisong feela. Feela—feela rorisang le 'na.

Ke a Mo rata,...

Joale, le hopole, joaloka thelebishene, O ka phaposing ea hao.

Hoba A nthatile pele
Le ho lefella poloko ea ka
Mane Kalvari.

Na le a lemoha hore e ne e bolelang? Le ka khona na? Na le chabeloa ke botebo ba eona, seo A se entseng?

Ke a Mo rata,...

Ha ke Mo bone, empa O teng mona. Ke tšoere setenyana e amohelang ka mona, nthoana e khantšang pelōng ea ka. Ke a tseba e halimisa Eēna. O teng mona.

...nthatile
Le ho lefella poloko ea ka
Mane Kalvari.

²²⁶ Joale, ke batla le etse sena, re sa binela ka marameng. Joale re tsoakane ha re bua ka seo re beng re le sona. Le hopole, motheeo oa ka e ne e le Katolike. Le a bona? Joale bohole re seholopha se tsoakaneng ka mona, empa re tsoile nyeeng eo eohle joale. Re ba Kreste. Re ba Hae. Joale re sa bina sena, ha re retoloheng feela re tsukutle matsoho. Ha u a tlameha ho ema. E re feela, "Molimo a u hlohonolofatse, moena. Molimo a u hlohonolofatse, khaitseli," re sa etsa sena, ka moea oa Mokreste oa sebele feela. Ke lumela Molimo o rata ho khumameloa. Ha le hopole joalo? Mo khumamele. O . . . Molimo ke tlota e khumameloang. 'Me re batla ho Mo khumamela. 'Me re etsa joang . . . ? Le a ratana. Le batla ho tšoarana . . . "Seo le se etsang ho bana, le se etsa ho 'Na."

²²⁷ Ha re se bineng feela joale, 'me—'me re tsukutlane ka matsoho, le ho khumama le . . .

. . . hoba A . . .

Molimo a u hlohonolofatse.

Oh, ke a Mo rata, ke a Mo rata
Hoba A nthatile pele
Le ho lefella poloko ea ka
Mane . . .

²²⁸ Kea ipotsa, na ntho eo e tuka pelōng ea hao? Na e teng ntho ka mono feela—feelaa e ikutloang monate haholo? Le a tseba, u ikutloa e ka u ka E ntša ka mona ua E kopela ka matsoho feela. Huh? Na u ikutloa joalo pelōng ea hao? Ha u se joalo, motsoalle, ela hloko. U mobung o kotsi, le a bona, haeba lerato la 'neta le sa aha ka mono feela, ntho e itseng, "Ke a Mo rata." E seng sefela feela, empa bonnate. O nthatile pele. Nka be ke le kae, kajeno. . . Lilemo tsa ka li mashome a mahlano a metso e mehlano. Bophelo ba ka bo tla be bo fetile kapele. Le a bona? 'Me seo ke . . . Ho lefella poloko ea ka . . . Moena Trow, u ne u tla . . . ? [Moena o bua ho tsoa phuthehong—Mohl.]

²²⁹ Le utloile bopaki boo, "Pholositsoe."

Pholoso ka matla a Hae a Matle,
Pholoso e hapang liphahama tse ntle!
Joale bophelo bo monate thabo e tletse,
Hoba ke pholositsoe!

²³⁰ U tseba joang? Moea oa ka o pakelana le Lentsoe la Hae hore ke tlohile lefung ho kena Bophelong.

²³¹ Ke a le leboha, Bakreste ba ratehang. Hoo ho a nthabisa. Ke rata ho kena tulong e kang ena moo u ikutloang u le hae. Ho thata ho 'na ho tloha. Ha ke phetse ho nahana, ho sheba tšupanako eane; le—le ho bona morali oa ka a lutse mane, a ntsokoletska hlooho, a shebile fatše joalo; le—le mora oa ka, o lutse holimō mona, a ntse a re, "Keng—keng e u tšoareletseng holimō mona?" Ha ke tsebe. Ke rata ho lula mona feela . . . ua tseba. Ha ke tsebe. Ke rata kōpano ea setsoalle. Le a tseba, ha ke se fumane libakeng

tse ngata haholo (le tseba seo), se ntse se qepha nako tsohle. Empa mona kea tseba ke huleloa haufi le lōna. Le a bona? 'Me tsatsi le leng ke tla rera therō ea ka ea ho qetela, ho koala Bibele khetlo la ho qetela. Ke tla nka leetonyana ke hona. Le nketele mohla ke etsang joalo. Nyolohang, 'me re tla lula fatše kamehla, le ho bua joaloka ha Moena Carl a boletse, le ho phela kamehla.

²³² Joale shebang, metsoalle, ke tla le kōpa ho etsa lethoana. Joale ke le tšoareletse le tlotse tinare ea lōna. Le a bona? 'Me joale, Moena Outlaw o entse nthoana nako e fetileng... Ke seoelo a etsa se sa nkhahleng. Empa, o mphuthetse monehelo, le a bona. Ke a ipotsa na e mong oa bona a ka khutlela morao, a khutlisetsa monehelo oo morao mono, a eme monyako. Le o nke le ithekele tinare ka oona. Ke mpho e tsoang ho 'na, e khutlela ho lōna. Le a bona? Le etse joalo. Le a bona? Ho tla itōkela. Ke monna ea mosa. Kamehla o... Ha a eso... Ha nke ke ea nqa efe kapa ntho efe e katlasana a—a sa batle ho etsa lethoana ho nthusa. Ke mokhoa oa hae oo.

²³³ Monna ea itseng o eme mona; ke—ke tšaba ho bitsa lebitso la bona, nka tšoha ke thonkha maikutlo a bona. Ho na le moena ea thekothata ea sa tsoa ea Khanyeng, o faletse kapele. Takatso ea hae... O ne a ntseba ke rata meru, a batlile ho nthekela jipi ke hona. Ha ke a mo lumella ho etsa joalo. Hoba a falle, mohatsa'e a batla ho e phethisa, ka mo hanela eona. Empa bashanyana bohole ba phutheha ba ea koo... 'Me—'me ho na le moena e mong ea kenang kereke mona, o itse, "Moena Branham, ke tea makoloyana a lehlabathe." Le a tseba, libaki; kapa seo le se bitsang *hacks*. Le ho re, "Ke tla u teela e 'ngoe ea tsona." Ha ke a mo lumella. Le tseba seo bashanyana bana ba se entseng? Ba tea e—e jipi le hack ea lehlabathe 'moho. Ha ke eso bone e tšoanang le eona.

²³⁴ Ho tsoa kōpanong ea Tucson bosiung boo, ba nyoloha ba e khanna ba e kenya jareteng ea ka, le ho re, "Ena ke mpho e tsoang bathong ba—ba Phoenix." Le a bona, ba sa batle ho ipala ba le bang feela, ho re feela, "Oh, ke rōna bohole 'moho, u a bona." Hoo ke... Oh, ke—ke a tseba feela haeba nka fihla Lehelimōng le ka mohla, ke tla phela le batho ba kang bao. E buile haholo ho 'na, le a tseba, ntho e kang eo feela; linthoana tsena... ntho e itseng.

²³⁵ E etsa hore ke ikutloe joalo nqa Moena Outlaw mona. Ho re, "Be, Moena Branham, ke mpa feela..." Ho nyolohela holimō mona nqa... ho iphumanela tuloana hofihlela ke le rata, le ho qoqa le lōna, le ho bua ka Jesu. 'Me—'me batho ba... Be, le a tseba, "Linonyana tsa 'siba le le leng." Le a tseba, li rata ho kōpana feela li qoqa litaba, ho qoqa.

²³⁶ Ke—ke ananela seo, empa ke—ke ne ke sa batle monehelo, moena, khaitseli. Ke... kereke ea ka e ntefa didolara tse lekholo ka veke 'me li sa ntšoere hantle. Ka hona ke—ke a e ananela. Joale motho mang ea ratang ho fumana tinare, be, motho o tla

ema monyako mane a le rekele tinare e tsoang ho 'na. Le a bona, ho tla itōkela feela. Ba bang ba lōna, ke le lebalisitse tinare ea lōna. Le a Mo rata na? Ha ho le joalo le tlamehile le be le nthata hoba ke karolo ea Hae. Le a bona? Amen. Ke ka baka leo ke le ratang. Morena a le hlohonolofatse.

²³⁷ Ha re emeng joale. Le se lebale likōpano tsa rōna tse tlang. Nako efe haeba le le haufi, le hopole feela, le ka kena. Le amohetsoe kamehla. Na le tla nthapella? Ke–ke motho ea hlokang thapelo. Na le tla rapela? Ba bakae ba lemohang moroalo, se ntlamang, le lintho tse larileng kapele ho 'na? 'Me ke tseba se tlang, kantle koana hantle. Le a bona? Ke e bona joaloka ha ke bona lintho tse ling tse tlang. Ke tseba se tlang. Le a bona? Empa ha ho nako ea ho bua ka seo. Ha re bueng ka se etsahalang hona joale. Hosasa ho na le tsa lona. Le a bona? Na le . . . na le tla nthapella? Joale, na le ne le phahamisitse matsoho a lōna le re le tla nthapella? Ke hantle.

²³⁸ Molimo o le hlohonolofatse joale. Ke tla busetsa tšebeletso ho molisa oa lōna ea ratehang, Moena Jimmy Outlaw. Molimo a u hlohonolofatse, Moena Jim. 

ENOA LE RE KE MANG NA? SST64-1227
(Who Do You Say This Is?)

Molaetsa ona, ka Moena William Marrion Branham, o reriloe sethatong ka Senyesemane, Sontaha hoseng, Tšitoe 27, 1964, mane Jesus Name Church, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org